

金匱要略廣注

金匱要畧廣註序

東城多碩士。有李子珥臣者。與兒輩幼同師。長同學。讀書敦品。相與有成。一旦慕長桑上池術。顧予問業。

蓋深喜吾黨之有人。而兒
輩之得友。爲足幸也。珥臣
不獨能文。且能詩。所著篇
什。多感慨壯涼意。斯其人
寧經生已乎。蓋古處士也。

或以品格高森。經濟屬望。
誠不愧青雲器。而抑知有
進焉者。始予燕息論道時。
及門數十輩。意思欣欣。各
有所得。獨珥臣俯首正襟。

不溢一語。沉思肅聽。久無
倦容。固知其爲深心篤學
者。年來歷痊危症。醫學益
精。今春以所釋金匱要畧
廣註示予。予三復不置。其

於經傳也。何湛然融洽。而
曠攬無遺若此。其於方脈
也。何泝源悉委。而顯微莫
遁若此。其援古證今也。何
標本互晰。而鈎索不窮若

此。夫士君子子處草茅而
負利濟蒼生之望者。莫醫
若也。故起而爲仕。則鹽梅
鼎鼐。以所學佐

朝廷。處而爲士。則著書立說。

以所學拯凋敝。是書一出。
醫道益彰。將煦以太和。登
之衽席。豈惟行道於一時。
亦且明道於百世。是兒輩
之得友固可幸。而吾黨之

有人更足重也。於是乎序
眷友生張遂辰卿子氏
題於東城之心遠堂

金匱要畧廣註序

李子珥臣余同研友也

文壇角藝之餘卽有事

於軒岐時余爲家尊者

壽遵曾楊法以形勢合

垣局奔走山澤間無暇
及也由是珥臣則爲人
余則爲己頗似水火之
不同然蒹葭倚玉間取
所著評次之金匱廣註

一書論證論方直探仲
景堂與三兒袞錫樂此
不疲日與珥臣相論難
謂儒門事親莫醫若余
未嘗不排闥直入也今

折屐倦游、不覺酒酣耳
熱、復檢靈樞素問諸書、
縱讀之、神黃輿理妙合
五行、放浪而會歸之課
兒濟世、若合符節、視形

勢家落落難徵者、去天
尺五近、著有傷寒二十
四、法脈約、本草約、金匱
要畧、辨正解、滌山婦科
外書數種、不知後先耳

臣曾否萬一然較文壇
角藝時火攻彌甚雖然
揮戈退日三舍終屬誕
妄也。

康熙壬戌顧澄扶搖氏

金匱廣註自序

數十年來醫學駸駸日盛余向因多病幾
與李百藥同歷苦口亦復留心于此從事
張卿子潘鄧林兩師門下兩師固醫宗多
善誘然余登其堂茫無畔岸自疑醫學甚
艱闡揚精粹未能草菅人命不可奈何其

易言之兩師進而教之曰醫學上乘靈素
尙已後此則仲景傷寒論金匱要畧諸書
得其意一以貫之餘無難也于是窮年力
索竊意傷寒論及金匱要畧二書相爲表
裏不讀傷寒論者不可與言醫不讀金匱
要畧者併不可與言傷寒論蓋其證之表

裏虛實。治之補瀉溫涼。法不同而理同。方
不同而意同。卽理與意未必盡同。而所以
引伸乎理與意之中。與神明乎理與意之
外者。正可由不同而推之以極。于無有不
同。則欲入仲景之室。而究傷寒論之旨者。
舍金匱要略。無由從。于是取而釋之。亦旣

歷有年所友人過而哂之謂醫乃名耳術耳昔曹氏云常人貴遠而賤近向聲而背實自古且然有識所嘆而笑金匱要略之慙慙也余笑而唯唯著說益力書成未敢自信質之兩師師云行世有餘何惜剗剗爰爲之序旋因卜居郭外十餘年來應酬

瑣屑、此書置高閣者已久、邇復與同學及
家季、新章、猶子瑄、瑄輩、日爲講論、幸潘子
夔師、醫學淵博、時與折衷、謂余道不第行
于今時、而貴垂之後禩也。學不期見知于
俗人、而貴深信于曉人也。力勸授梓、發篋
張師序、猶存愴然久之、不勝今昔之感、仍

爲弁冕不敢忘師訓也祇以管窺未徹鈞
索難窮求深得乎仲景之精微而仰副兩
師之教益也心竊惴惴但期同志者共爲
發明不詭經術于以挾靈蘭之秘典而起
凋敝之沉疴也豈僅托諸空言已哉

康熙廿一年壬戌夏月錢塘李紱珥臣識

於花塢之淵默堂

金匱要畧廣註

凡例 五則

一金匱要畧世尊爲經大旨旣深。匪易蠡測。今探索有年。悉爲註解。然必原本內經。以溯學之有本。推明幽隱。以究理之攸歸。不敢閉門造轍。或非曲學誣人乎。

一註書者。逐節分解。此其常也。然病起有因。辨證有法。今於篇首括樞要而總斷之。以見治固多端。理歸一致。大綱旣舉。衆目畢張也。

一是書命名廣註緣前列愚意註解外。有昔賢名論最

優者備詳姓氏附葺於後。以廣見聞。以便咨考。亦以入珍具膳。必五味之和。千金製裘。非一狐之腋云爾。一是書治雜證者也。其法半出傷寒論中。以醫學窮本知變。存乎其人。王好古謂傷寒之法。可治雜證者。洵非虛語。則通傷寒雜證爲一例。合要畧與傷寒論爲一書可也。

一是書擯置不講。醫家幾欲覆甕矣。今註釋徒艱。未免好竽鼓瑟。然千秋經學。自宜傳之有人。一燈尙存。不忍坐視泯滅耳。

終

金匱要畧 註目錄

○卷上

音寧...不時...行步...不...此...不能...足...不能...而...
口...如...色...里...吸...大...氣...坐...不...能...起...目...無...所...見...後...見...
以...表...而...特...此...是...一...眼...至...所...色...以...以...肉...不...結...而...而...即...
見...如...人...水...中...若...有...所...怖...亦...有...重...
此...至...心...肺...亦...同...所...氣...色...是...味...氣...

臟腑經絡先後病第一

見...如...人...水...中...若...有...所...怖...亦...有...重...
此...至...心...肺...亦...同...所...氣...色...是...味...氣...

痊濕腸病第二

此...主...之...氣...化...有...氣...但...有...禮...用...是...實...腹...不...瑞...先...氣...
此...主...之...氣...化...有...氣...但...有...禮...用...是...實...腹...不...瑞...先...氣...

括萋桂枝湯

葛根湯

麻黃加水湯

麻黃杏仁薏苡甘草湯

防已黃耆湯

桂枝附子湯

白朮附子湯

甘草附子湯

白虎加人參湯

一物瓜蒂湯

百合狐惑陰陽毒病第三

百合知母湯

滑石代赭湯

百合雞子湯

百合地黃湯

百合洗方

括婁牡蠣散

百合滑石散

甘草瀉心湯

苦參湯

雄黃熏法

赤豆當歸散

升麻鼈甲湯

升麻鼈甲去雄黃蜀椒湯

瘧病第四

鼈甲煎丸

白虎加桂枝湯

蜀漆散

中風歷節病第五

桂枝芍藥知母湯

烏頭湯

血痺虛勞病第六

黃耆桂枝五物湯

桂枝加龍骨牡蠣湯

小建中湯

黃耆建中湯

八味腎氣丸

薯蕷丸

酸棗湯

大黃廔蟲丸

卷中

肺痿肺癰咳嗽上氣病第七

甘草乾薑湯

葶藶大棗瀉肺湯

桔梗湯

小青龍加石膏湯

越婢加半夏湯

射干麻黃湯

皂莢丸

厚朴麻黃湯

澤漆湯

麥門冬湯

奔豚氣病第八

奔豚湯

桂枝加桂湯

茯苓桂枝甘草大棗湯

胸痺心痛短氣病第九

括萆薢白白酒湯

括萆薢白半夏湯

枳實薤白桂枝湯

人參湯

茯苓杏仁甘草湯

橘枳薑湯

薏苡附子散

桂枝生薑枳實湯

烏頭赤石脂丸

九痛丸

腹滿寒疝宿食病第十

厚朴七物湯

附子粳米湯

厚朴三物湯

大柴胡湯

大承氣湯

大建中湯

大黃附子湯

赤丸

大烏頭煎

當歸生薑羊肉湯

抵當烏頭桂枝湯

瓜蒂散

五臟風寒積聚病第十一

麻子仁丸

甘薑苓朮湯

痰飲咳嗽病第十二

苓桂朮甘湯

甘遂半夏湯

十棗湯

大青龍湯

木防己湯

木防己去石膏加茯苓芒硝湯

澤瀉湯

厚朴大黃湯

小半夏湯

已椒蘆黃丸

小半夏加茯苓湯

五苓散

苓桂五味甘草湯

苓桂五味甘草湯去桂加乾薑細辛湯

苓桂五味甘草湯去甘草去桂加薑辛半夏湯

茯苓五味加薑辛半夏杏仁湯

茯苓五味薑辛半夏加大黃湯

消渴小便利淋病第十三

文蛤散

栝蒌瞿麥丸

蒲灰散

滑石白魚散

茯苓戎鹽湯

猪苓湯

水氣病第十四

越婢加朮湯

越婢湯

防己茯苓湯

甘草麻黃湯

麻黃附子湯

杏子湯

黃耆芍桂苦酒湯

桂枝加黃耆湯

桂枝去芍藥加麻黃附子細辛湯

枳朮湯

黃疸病第十五

茵陳蒿湯

消礬散

梔子大黃湯

猪膏髮煎

茵陳五苓散

大黃消石湯

○卷下○

驚悸吐衄下血胸滿瘀血病第十六

半夏麻黃丸

桂枝去芍藥加蜀漆龍骨牡蠣抹逆湯

栝葉湯

黃土湯

瀉心湯

嘔吐噦下利病第十七

吳茱萸湯

半夏瀉心湯

黃芩加半夏生薑湯

猪苓散

四逆湯

小柴胡湯

大半夏湯

大黃甘草湯

茯苓澤瀉湯

文蛤湯

半夏乾薑散

生薑半夏湯

橘皮湯

橘皮竹茹湯

桂枝湯

小承氣湯

桃花湯

白頭翁湯

梔子豉湯

通脈四逆湯

紫參湯

訶梨勒散

瘡癰腸癰浸淫病第十八

薏苡附子敗醬散

大黃牡丹湯

王不留行散

黃連粉

跌蹶手指臂腫轉筋陰狐疝蛇蟲病第十九

藜蘆甘草湯

雞屎白散

蜘蛛散

甘草粉蜜湯

烏梅丸

婦人妊娠病第二十

桂枝茯苓丸

附子湯

膠艾湯

當歸芍藥散

乾薑人參半夏丸

歸母苦參丸

葵子茯苓散

當歸散

白朮散

婦人產後病第二十一

枳實芍藥散

下瘀血湯

陽旦湯

竹葉湯

竹皮大丸

白頭翁加甘草阿膠湯

婦人雜病第二十二

半夏厚朴湯

甘麥大棗湯

溫經湯

土灰根散

旋覆花散

膠薑湯

大黃甘遂湯

抵當湯

礬石湯

紅藍花酒

蛇牀子散

狼牙湯

膏髮煎

雜療方第二十三

三物備急方

四時加減柴胡飲子

訶梨勒丸

排膿散

排膿湯

紫石寒石方

卒死共五方

卒死壯熱者方

卒死目閉方

卒死張口反折五毒諸膏散

卒死四肢不收失便者方

小兒卒死吐利不知是何病方

小兒疳蟲蝕齒方
尸厥共二方

卒死客忤死還魂湯共二方

自縊死方

中腸方

溺死方

馬墜筋骨損方

禽獸蟲魚禁忌第二十四

自死六畜肉中毒方

食鬱肉漏脯中毒三方

黍米中藏乾脯中毒方

食生肉中毒方

食六畜鳥獸肝中毒方

馬肝毒中人未死二方

食馬肉中毒欲死二方

食噉蛇牛肉欲死二方

食牛肉中毒方

食犬肉不消成病方

食鳥獸中箭肉毒方 食鱸不化成癥病四方

食魚後食毒兩種煩亂方

食鰕鱖魚中毒方 食蟹中毒三方

果實菜穀禁忌第二十五

食諸果中毒方

食諸菌中毒悶亂欲死四方

食楓樹菌笑不止方 誤食野芋煩亂欲死方

食蜀椒閉口者中毒四方

食躁或躁方 誤食鉤吻殺人方

漢張仲景先生金匱要畧廣註上卷

李 炆珥臣註

李肯芬素雯

錢塘

弟 彰新章泰 門人沈必榮子華

全較

同學

顧 澄扶搖

李永錫卿遠

評

潘士韶夔師

侄

璵升璽

藏府經絡先後病脈證治第一

五藏屬陰六府屬陽。內經云五臟藏精氣而不
瀉。故滿而不能實。六腑傳化物而不藏。故實而
不能滿也。然臟有五。而扁鵲謂有六臟者。因腎

有兩臟其左爲腎右爲命門也。腑有六而止言五腑者以五臟各一腑三焦亦是一腑然不屬於五臟故言府有五焉。又內經云形臟四神臟五則自肝心脾肺腎而外若頭角者耳目者口齒者胸中者亦得名之爲臟而以類推焉。經者手足三陰三陽合爲十二經也直者爲經橫者爲絡循內者爲經浮外者爲絡難經云經有十二絡有十五蓋又有陽蹻之絡陰蹻之絡及脾之大絡也素問云經有常色而絡無常變也陰

絡之色應其經陽絡之色變無常隨四時而行者也。先後病者。總臟腑經絡而言。蓋藏府經絡相傳之病。有先有後。治藏府經絡之病者。亦有宜先宜後云爾。

問曰。上工治未病。何也。師曰。夫治未病者。見肝之病。知肝傳脾。當先實脾。四季脾王。不受邪。卽勿補之。中工不曉相傳。見肝之病。不解實脾。惟治肝也。夫肝之病。補用酸。助用焦苦。益用甘味之藥。調之。酸入肝。焦苦入心。甘入脾。脾能傷腎。腎氣微弱。則水不行。水不行。則心火氣

所謂治未病者也。五味各歸所喜。酸入肝。肝得其所。

喜。即是補。故云補用酸也。焦者心之臭苦者心之味。

心屬火。火者木之子。今肝已虛矣。使焦苦入心。不令。

子虛。更食母氣。故助用焦苦。使火氣得充。不惟上益。

肝木。且可下生脾土也。益用甘味之藥。調之者。以甘。

味入脾。歸其所喜。即是實脾也。與內經脾欲緩。急食。

肝苦急。急食甘。然內經用辛補肝。而此以酸補肝者。

何也。蓋肝之用欲其散。辛以散之。即是補。而肝之體。

欲其收。今酸以收之。亦是補。以體用不同。故酸辛味。

欲其收。今酸以收之。亦是補。以體用不同。故酸辛味。

欲其收。今酸以收之。亦是補。以體用不同。故酸辛味。

欲其收。今酸以收之。亦是補。以體用不同。故酸辛味。

欲其收。今酸以收之。亦是補。以體用不同。故酸辛味。

欲其收。今酸以收之。亦是補。以體用不同。故酸辛味。

補虛之義。非傷害意也。肝虛用此法。實則不在用之。然

異而補同。總之為肝虛起見也。脾能傷腎。傷字乃統

攝之義。非傷害意也。肝虛用此法。實則不在用之。然

則治肝實者。更用何法。以治之乎。以意推之。則難經

渴南方火補北方水之法。是矣。蓋火為木之子。能令

母實。則木火相生。而肝愈旺。惟瀉去其火。則金氣得

行。而可平肝木。此又治肝實之精義歟。

夫人稟五常。因風氣而生長。風氣雖能生萬物。亦能害

萬物。如水能浮舟。亦能覆舟。若五藏元真通暢。人即安

和。客氣邪風。中人多成。千般疾難。不越三條。越外一者。

經絡受邪入藏府為內所因也。

邪自表入裏故為內因。

二者四肢

九竅血脈相傳壅塞不通為外皮膚所中也。

皮膚病在

外為

三者房室金刃虫獸所傷。

此不內外因。

以此詳之病由

都盡若人能養慎不令邪風干忤經絡適中經絡未流

傳腑臟即醫治之四肢纔覺重滯即導引吐納鍼灸膏

摩勿令九竅閉塞更能無犯王法禽獸災傷。

災傷二字兼承王法

禽獸

言房室勿令竭乏服食節其冷熱苦酸辛甘不遺形

體有衰病則無由入其腠理。

遣使也。

腠者是三焦通會元

真之處為血氣所注理者是皮膚臟腑之文理也。

全一

前節云上工治未病此云不遺形體有衰病無由人

其腠理亦治未病之意也五常者人之性即仁義禮

智信也人因風氣生長言風兼言氣者以風中有氣

如莊子云大塊噫氣體經云煦嫗覆育萬物是也靈

樞云風從其所居之鄉來者為實風主長養萬物是

因風氣而生也從其衝後來者為虛風主殺主害素

問云風者百病之始是因風氣而害也通節以元真

二字為主元真者藏真之元氣于藏真散于肝通

下于所謂天真也是也五藏元真通暢人即安和即內

腎

腎

腎

腎

腎

經恬澹虛無真氣從之精神內守病安從來也客氣
因也清大者二年來凡方奔動指諸病
者客忤不正之氣以邪從外感如客自外來故云客
在冠後骨更痛及不
氣也邪風者經云八風發邪以為經風觸五藏邪氣
或可傳河
發病又云虛邪賊風避之有時故中人多病也三條
外症要本病好列方廣制第木叶本據終張
即內因不外因也頭面七竅合前後二陰為
即列因令邪正不和二陰也
九竅也
三焦又見中任論生民章其末也
卷第十一篇

李時珍曰三焦者元氣之別使命門者三焦之本原
蓋一原一委也命門指所居之府而名為藏精係胞
之物三焦指分治之部而名為出納腐熟之司蓋一

以體名一以用名其體非脂非肉白膜暴之在七節之旁兩腎之間二系著脊下通二腎上通心肺貫屬於腦爲生命之原相火之主精氣之府人物皆有之生人生物皆由此出靈樞本藏論已著其厚薄緩急之狀扁鵲難經不知原委體用之分以右腎爲命門謂三焦有名無形者非也

問曰病有氣色見于面部願聞其說師曰鼻頭色青腹中痛苦冷者死鼻頭色微黑者有水氣色黃者胸上有寒色白者亡血也設微赤非時者死其目正圓者瘥不

治。又色青為痛。色黑為勞。色赤為風。色黃者便難。色鮮明者有留飲。

治病有望聞問切四法。此望而知之之法也。蓋面為

諸陽之會。內經云。聲合五音。色合五行。脈以應月。色

以應日。又云。精明五色者。氣之華也。故氣色可驗于

面部。脾屬土。鼻者土之位。青者木之色。鼻頭色青。是

肝木侮脾土。以脾經入腹。色青為寒。故主腹痛。苦冷

水也。黑為水色。鼻頭色微黑。是水來乘土。故主有水

氣。脾脈上膈。胃脈下膈。皆喜溫惡寒。若胸上有寒。則

中焦塞窒胃不能受納水穀脾不能運化精微故自
現其本色而黃也血者心之所主內經云心合脈其
榮色也又心之華在面亡血則血無以華其色而心
氣衰經云血脫者色白天狀不澤是也微赤見于秋
月是火來尅金爲非其時故主死痙屬太陽症目者
心之使神之舍也目正圓者不治以太陽脈起目內
眥經云瞳子高者太陽不足戴眼者太陽已絕也肝
木色青腹乃脾部此木實則痛故主腹痛也腎藏精
勞則精竭傷腎故本色見而黑經云煩勞則張精絕

又云腎虛面如漆柴是也。風為陽邪，故色赤。本經云：裏水者，一身面目黃腫，小便不利。黃家濕熱，內癰，小便不利，故色黃者，便難也。一云小便淋閉，鼻色必黃，則黃色專主鼻言，蒸鼻者肺之竅，肺主通調水道，今小便難者，以熱津液水道不利，故鬱蒸而鼻發黃色也。鮮明者，水之色，留飲者，水所聚。本經云：水病目下有臥蠶，面目鮮澤是也。

師曰：病人語聲寂然，喜驚呼者，骨節間病。語聲喑喑然，不徹者，心膈間病。語聲啾啾然，細而長者，頭中病。金四

此聞而知之之法也。骨節心膈頭中諸病，皆指疼痛

者為証。然內外各証相參，庶幾協理。毛之微，即今日之醫家，三三時，各引其主

言而痛病之發於語聲有各異者以所痛之部位不

同也驚呼者忽狀而呼若驚狀也蓋骨節痛無常時

或暫時痛止則語聲寂狀及忽狀掣痛則亦忽狀驚

呼內經云肝主筋諸筋皆屬肝又云肝病發驚駭

肝在聲為呼此驚呼者肝病也經所謂風氣通于肝

諸痛屬于木是也肝屬木人胸前有膈膜一層前齊鳩

尾後齊脊骨之十一椎遮隔濁氣不使上薰心肺故

名膈心在膈上肺雖主聲音狀腎為生氣之原呼吸之門

則語聲發于腎間動氣自下而達上者也心膈間病

則上焦阻塞，碍其上達之氣道。故語聲惛惛，狀不徹也。惛惛者，呻吟低小之聲。不徹者，聲不透達也。若頭在上部，三陽經皆上交病，則與胸中氣道無礙，語聲得以上達透徹。故聲長。狀頭者，精神之府。病則精神虛憊，故語聲仍啾啾。狀細而長也。啾啾，痛楚不耐煩之聲。

師曰：息搖肩者，心中堅。息引胸中上氣者，欬。息張口短氣者，肺痿吐沫。金五

一呼一吸謂之息。肺主氣，凡呼吸皆屬於肺，堅實也。

心中血結氣聚，呼吸則氣道不利，難以升降。牽引而

痛肩爲搖聳。此邪實也。內經云皮毛者肺之合也。皮
毛先受邪氣。邪氣以從其合也。其寒飲食入胃從肺
脈上至于肺。則肺寒。外內合邪。則爲肺欬。故息引胸
中。上氣者欬。此氣逆也。本經云熱在上焦者。因咳爲
肺痿。張口短氣者。欲欬不能欬。乃喘喝不寧之狀。氣
虛不能攝涎。故吐沫。此肺虛也。

師曰。吸而微數。其病在中焦實也。當下之卽愈。虛者不
治。在上焦者。其吸促。在下焦者。其吸遠。此皆難治。呼吸
動搖振振者不治。金六

難經云。呼出心與肺。吸入腎與肝。中焦實則上下之氣不得升降。欲呼不得出。欲吸不能入。故吸而微數者。氣促也。經云。短氣腹滿而喘。可攻裏也。下去中焦之實。則上下之氣宣通。可以升降自如而愈矣。虛者邪盛正衰。既不可下。又不可補。故不治。邪在心肺者。其氣升而不降。但浮于上焦。以上焦部位甚近。故吸促。促者急也病在肝腎者。丹田元氣將絕。氣又降而難升。移時方得一吸。不能接續如常。以下焦部位甚遠。但覺出入之氣濡遲。故吸遠。遠字作遲字解。此正虛邪與促字對看。

亦不盛。但云難治。若呼吸動搖振振。則氣與形離。虛之極矣。故不治。振動也。振振動搖之貌。

李升璽曰。呼吸相連。不呼則亦不吸。吸後必致再呼。故言吸而呼在其中。狀獨言吸者。以氣之入為主也。師曰。寸口脈動者。因其王時而動。假令肝王。色青。四時各隨其色。肝色青而反色白。非其時。色脈皆當病。

脈有寸關尺三部。凡經中單言寸脈。則不及關尺。如言寸口。則有但指寸脈而別乎關尺者。亦有兼舉寸關尺三部而摠名爲寸口者。以此脈卽肺經之太淵。

穴去尺澤穴一尺故各尺去魚際穴一寸故名寸也
如難經云寸口者脈之大會內經云氣口成寸以決
死生氣口卽寸口此皆統舉寸關及三部而言者也
因其王時而動者如春時木旺則肝脈動而弦其色
青夏時火旺則心脈動而鉤其色赤長夏土旺則脾
脈動而緩其色黃秋時金旺則肺脈動而毛其色白
冬時水旺則腎脈動而石其色黑是四時各隨其色
也肝色青而反色白則金來尅木故爲非時推而言
之心色赤而反色黑脾色黃而反色青肺色白而反

色赤。腎色黑而反色黃。皆非時色。脈而當病者也。

問曰。有未至而至。有至而不至。有至而不去。有至而太過。何謂也。師曰。冬至之後。甲子夜半。少陽起。少陽之時。陽始生。天氣溫和。以未得甲子。天因溫和。此爲未至而至也。以得甲子。而天未溫和。此爲至而不至也。以得甲子。而天大寒不解。此爲至而不去也。以得甲子。而天溫和。如盛夏五六月時。此爲至而太過也。金。

人身通乎天地。以陽氣爲主。若天地之陽氣不和。則人身之陽氣亦乖。感之者。遂有傷寒。溫暑。時病等疾。

故推冬至後甲子日夜半甲子時少陽起爲定例。陽生于子也。少陽者甲膽一陽之氣。謂之初陽。又名稊陽。因陽氣初生未壯盛也。易經復卦云先王以至日閉關商旅不行安靜養微陽也。有未至者以未得甲子言也。有至者以已得甲子言也。而至而不至而不去而太過以天氣溫和未溫和或大寒或如盛夏言也。此卽天時節氣寒暖之乖沴而人因此受病矣。

按黃帝使大撓作甲子以正天時造曆者取冬至年月日時皆會于子爲曆元。後則陰陽度數不齊不能

皆會于子。越數千餘年。而後冬至始得年月日時。復會于子。故每年甲子俱在冬至之後。朕堯時甲子冬至日在虛一度。後至秦莊襄元年。凡二千二十八年。冬至日在斗二十二度。迄宋慶曆甲申。凡一千二百九十二年。冬至日在斗十五度。今已在箕六度矣。上距堯時差四十餘度。不幾差四十餘日乎。今寒燠愆期。不時。或者歲差故耶。出羣書則至與不至或不去太過等。未必不由此也。

師曰。病人脈浮者在前。其病在表。浮者在後。其病在裏。

腰痛背強不能行。必短氣而極也。金九

寸脈爲前屬陽。凡外感者。寸脈必浮。故主病在表。尺脈爲後屬陰。其脈不當浮而浮。此腎氣虛損之象。本經云。尺脈浮爲傷腎。是也。故主病在裏。靈樞云。腎脈上股貫脊。故虛則腰痛背強不能行。又腎爲生氣之原。呼吸之門。故短氣而極者。精血已竭。五勞六極之謂此。皆病在裏之症也。

問曰。經云。厥陽獨行。何謂也。師曰。此爲有陽無陰。故稱厥陽。

厥陽卽陽厥也。內經云：陽氣衰于下，則爲寒厥；陰氣衰于下，則爲熱厥。是也。熱厥必起于足，下者以陽氣起于足，五指之表陰脈者集于足下而聚于足心，故陽氣勝則足下熱也。又云：酒氣與穀氣相薄，熱盛于中，故熱徧于身。夫酒氣盛而慄悍，腎氣衰，故手足爲之熱也。又云：有病怒狂者，名曰陽厥。蓋陽明者常動，巨陽少陽不動，不動而動，大疾也。此厥陽獨行，有陽無陰之大槩也。

問曰：寸脈沉大而滑，沉則爲實，滑則爲氣，實氣相搏，血

氣入臟卽死。入腑卽愈。此爲卒厥。何謂也。師曰。唇口青。身冷。爲入臟卽死。如身和。汗自出。爲入腑卽愈。
厥逆也。卒厥者。猝然僵仆。昏不知人也。實則邪氣在內。故脈沉。氣與風痰鼓激。故脈滑。臟屬陰而在裏。唇青身冷。陰寒盛也。故入臟卽死。腑爲陽而屬表。身和汗出。陽氣通也。故入腑卽愈。

按厥症有六。陽厥。陰厥。痰厥。氣厥。蛔厥。尸厥。是也。又仲景傷寒論云。少陰脈不至。腎氣微。少精血。奔氣促迫。上入胸膈。宗氣反聚。血結心下。陽氣退下。熱歸陰股。與陰相動。令身不仁。此爲尸厥。

問曰。脈脫入臟卽死。入腑卽愈。何謂也。師曰。非爲一病。

百病皆然。譬如浸淫瘡。從口起。流向四肢者可治。從四肢流來入口者。不可治。病在外者可治。入裏者卽死。金此承前節說來。前卒厥脈沉滑者。有入臟入腑之異。此併言脈脫者。又有入臟入腑之異。亦指卒厥而言。浸淫瘡。濕漬腐爛不已。從口流向四肢。則自內出。外邪氣漸散之兆。故可治。從四肢流來入口。則自外侵裏。邪氣漸深之徵。故不可治。狀則入腑者。病在外而淺。故可治。入藏者。病在裏而深。故卽死耳。

李瑋西曰。病在外二句。推開說。槩指諸病而言。卽上

文百病皆狀之意入裏者死如痺氣入藏脾氣衝心
之類仲景治少陰下利厥逆無脈者白通加猪膽汁
湯服湯脈暴出者死以正氣驟泄也微續者生以陽
氣漸復也此又爲脈脫者決死生之明驗歟

或問曰旣云脈脫則其人必死矣追問入藏人府乎
曰此因卒厥一時氣逆故脈爲之伏匿望其陽氣漸
復而脈漸起耳若果眞氣絕而脈脫且奈之何哉

問曰陽病十八何謂也師曰頭痛項腰脊痛脚掣痛陰
病十八何謂也師曰欬上氣喘噦咽腸鳴脹滿心痛拘

急五臟病各有十八合為九十病人又有六微微有十

八病合為一百八病五勞七傷六極婦人三十六病不

在其中清邪居上濁邪居下大邪中表小邪中裏榮衛

之邪從口入者宿食也五邪中人各有法度風中于前

寒中于暮濕傷于下霧傷于上風令脈浮寒令脈急霧

傷皮濕流關節食傷脾胃極寒傷經極熱傷絡金土

頭項等皆在表故為陽病欬上氣等皆屬裏故為陰

病清邪居上即霧傷于上也霧性陰寒滲潤不似雨露暴注淋漓故名清邪

濁邪居下即濕傷于下也風為百病之長故名大邪

風傷衛故中表寒氣適緊故名小邪寒傷榮故中裏
榮耗邪從口入卽後食傷脾胃也五邪卽風寒霧濕
熱也法者條理也度者時侯也風爲陽邪故中於午
前以午前屬陽也寒爲陰邪故中於日暮以日暮屬
陰也風性鼓動故令脈浮寒性凝欬故令脈急與脈
數異脈數者以至數速疾而言脈急者寒邪霧爲清
鼓激脈體勁直切指按之緊如弦者是也邪濛濛滲
漑故傷上部又傷皮膚濕爲濁邪重滯浸
灌故傷下部又流關節循內者爲經浮外者爲絡寒
傷營深中於裏則經脈凝滯故傷經熱氣浮外又夏

氣在絡故傷絡也。

按六微取之于合。胃合入于三里。大腸合入于巨虛。上廉。小腸合入于巨虛下廉。三焦合入于委陽。膀胱合入于委中央。膽合入于陽陵泉。凡六合所病皆屬於微。微者邪在六腑。而外合于經絡。爲病之輕微者也。五勞者心勞神損。肺勞氣損。脾勞食損。肝勞血損。腎勞精損也。七傷者大飽傷脾。大怒氣逆傷肝。強力舉重。久坐濕地。傷腎。形寒飲冷。傷肺。憂愁思慮。傷心。風雨寒暑。傷形。大怒恐懼。傷志也。六極者肝傷筋。極。

心傷脈極。脾傷肉極。肺傷氣極。腎傷骨極。藏府氣衰。視聽已卸。爲精極也。婦人三十六病。千金方載十二癥九痛七害五傷三癰不通是也。

問曰。病有急當救裏救表者。何謂也。師曰。病發下之。續得下利。清穀不止。身體疼痛者。急當救裏。後身體疼痛。清便自調者。急當救表也。金十四

詳見金鑑傷寒論

此治傷寒例也。凡傷寒裏症已實。而表症尚在者。當先解表。而後攻裏。若先下之。則裏虛。表邪陷裏。爲結胸痞滿等病。如表症未罷。裏症已虛者。宜先救裏。而

後治表益治以裏虛爲重也。今病表症未除，醫誤下之，下利清穀，此裏虛也。故雖身體疼痛，急當救裏，後得清便自調，則裏症已愈，尚身體疼痛，表症仍在，故急當救表也。傷寒論救裏宜四逆湯救表宜桂枝湯。

夫病痼疾，加以卒病，當先治其卒病，後乃治其痼疾也。上節因病有表裏，而爲治之緩急；此節又因病有新舊，而爲治之先後。舊病爲痼疾，宜緩以治本；新病爲卒病，謂猝然得之者。宜急則治標也。

按本篇名藏府經絡先後病，如首節肝病傳脾，是藏

府病也。次節經絡受邪。入藏府。又云適中經絡是經絡病也。此節痼疾加以卒病。是先後病也。一篇血脈關鍵在此。

師曰。五臟病各有得者愈。五臟病各有所惡。各隨其所不喜者爲病。病者素不應食。而反暴思之。必發熱也。金難經云。五藏有五色。皆見于面。當與寸口尺內相貌。假令色青。脉當弦而急。色赤。脉中緩而大。色白。脉浮濡而短。色黑。脉沉濡而滑。是色脉相應爲各有得。故愈也。各有所惡。如內經心惡熱。肺惡寒。肝惡風。脾惡

濕腎惡燥之類。各隨其所不喜。如內經辛走氣。氣病無多。食辛鹹走血。血病無多。食鹹苦走骨。骨病無多。食苦甘走肉。肉病無多。食甘酸走筋。筋病無多。食酸爲五禁之類。思食發熱。由胃有虛火。從中達外也。

夫諸病在臟。欲攻之。當隨其所得而攻之。如渴者。與猪苓湯。餘皆倣此。金十七。金云。如渴者。之下。當有。小便不利。四

臟字。作裏字解。

府爲表。藏爲裏。

攻治也。隨其所得而攻之。謂

有如是之病。治以如是之法。順其機而不悖也。傷寒脈浮發熱。渴欲飲水。小便不利者。此下後熱客下焦。

與猪苓湯利小便以瀉下焦之熱此即隨其所得而攻之之法也

此藥上冬有以有金傷其表隨其所得者攻之冬有得者各逐其所得也
遂其所得者逐其所欲也即所以遂其所欲不欲以知其所欲者之為病
也此藥者腎氣不固于胸也亦燥化毒會熱氣厥行是以得喝引飲
善煩而小便不利者則所飲者水飲所害者燥故苦者渴渴者
与猪苓湯猪苓止水為猪澤厚之澤上行發其水下行利水而不
盈河將發水性之下趨濕野華之外衛公藉火力以成土化從下看土從
外者為笑傷方脈制水而並佈體至用行用行體至而有得焉則
凡水停致濕成可主以猪苓潤劑對待治之善教也其意其整也
涼則逐也

○痺濕暍病脉證第二

成無已云。痺當作痺。蓋痺者強也。痺者惡也。非強也。此傳寫之誤也。故論其症。則如角弓反張。論其因。則太陽中風。重感寒濕之所致也。濕者六氣之一也。自方隅論之。西北地高。乳醪醅麴。濕在內。東南土薄。風雨山蒸。濕在外。然有寒濕。濕熱風濕之異。治法自發汗利小便外。古人多用風藥升散之。以風能勝濕故耳。暍者暑病也。暑有二。有夏時暴感暑氣而發者。有冬受寒毒。

至夏變爲暑病者。俗名晚發。卽熱病是也。然亦有辨寒毒變暑者。其脉盛。夏時暴感之暑。其脉虛。然夏時暴感之暑。又有辨東垣云。靜而得之。爲中暑。蓋因納涼飲冷。使周身陽氣。爲陰寒所遏。不得伸越。其症頭痛惡寒。體痛煩心。肌熱無汗。昔人稱爲陰症。王履謙此是傷寒之類。不可以中暑名之。須用辛溫輕揚發散之劑。治之。是也。動而得之。爲傷熱。如農夫行人。

疼發躁大渴惡熱。肌膚大熱。脉洪大多汗。無

以動此熱傷氣也。人參白虎湯主之。然經謂太
陽症濕渴三病與傷寒相似。蓋太陽主表。凡屬
外感皆得傷之。然亦有似是而非者。其外症皆
發熱惡寒似也。而亦有不同者。傷寒脉盛濕脉
沉細。症脉流遲弦細。陽脉虛而弦細。孔遲是也。
其症又有各別者。傷寒初病無汗。亦未至煩渴。
陽初病即自汗。而渴。濕則不渴。身疼。症則身不
疼也。

太陽病發熱無汗反惡寒者名曰剛症。

太陽病謂傷寒症屬太陽經。脉浮惡寒。頭項強痛也。發熱者寒邪客于經中。陽氣怫鬱所致。此太陽中風。重感寒者也。寒傷榮。凝飲津液而無汗。無汗爲表實。則不當惡寒。故云反惡寒也。剛症者以其無汗而寒性勁烈也。

太陽病發熱汗出不惡寒者名曰柔症。

風傷衛則疎泄腠理而汗出。汗出爲表虛。當惡寒。其不惡寒者是大陽中風重感濕者也。柔症者以其有汗而濕性濡潤也。

王肯堂曰。濕勝者自多汗出。活人書云。剛症宜葛根湯。柔症宜桂枝。

加着根湯通用俱宜小續命湯則症去附子柔
症主麻黃又云合面而臥爲陰症仰臥爲陽症
太陽病發熱脉沉而細者名曰瘧爲難治

症屬太陽其病主表發熱者表症也反得沉細裏虛
之脉此脉不與病應故難治

李升聖曰下文症脉沉遲者括萆桂枝湯主之此脉
但沉而細何云難治蓋遲則爲寒尚可解肌細爲氣
少難于發表故也

太陽病發汗太多因致瘧

經云陽氣者精則養神柔則養筋此汗多亡陽筋失

所養故致症

夫風病下之則症復發汗必拘急

下多亡陰則液脫不能榮筋故成症汗多亡陽則氣虛不能衛外故拘急

惡寒之狀也

瘡家雖身疼痛不可發汗汗出則症

經云奪血者無汗瘡家亡血損陰故身痛非外感也

發汗則又亡陽傷衛故成症

或云身疼屬外感然惡瘡家重亡津液故禁汗

病者身熱足寒頸項強急惡寒時頭熱面赤目赤獨頭動搖卒口噤背反張者症病也若發其汗者寒濕相得

其表益虛。卽惡寒甚。發其汗已。其脉如蛇。暴腹脹大者。
爲欲解。脉如故。反伏弦者。症。金十二

症。症屬太陽。其脉上額交巔。別下項。夾脊抵腰中。下
至足。風寒客于經中。則筋脉拘急。故頸項強急。而背
反張也。身熱者。邪客于經。陽氣怫鬱也。惡寒者。邪在
于表。衛氣不固也。足寒有二義。重感寒濕者。濁邪中
于下。發汗太多者。陽氣衰于下也。時頭熱面赤。日赤
者。風傷于上。風爲陽邪。故面赤也。三陽經聚于頭
于目內眦。爲頭搖者。風動之象也。猝然口噤。寒于筋
目之上綱。

急也。

手三陽之筋結入于頷頰足陽明之筋上夾于口風寒乘虛入其筋則牽故令牙關急而口噤

症病原屬太陽中風重感寒濕今汗虛陽氣則邪盛

正衰寒濕仍伏而不散是謂寒濕相得徒令其表益

虛卽惡寒甚也脉如蛇者卽弦緊之意暴腹脹大者

寒濕之氣忽然渙散自內而出于外也故在暴字蓋

邪欲外解急不能待倏忽向外脹大故爲欲解若漸

漸腹脹邪便從外入裏矣

暴字與卒同解

脉伏爲在裏

表邪深入也弦屬肝脉風氣尙存故成症也

大症脉按之緊如弦直上下行

金十九

風令脉弦。寒令脉緊。然經云緊如轉索無常。弦如弓弦不移。則二脉相似。又恐其易混。故云緊如弦而實非弦也。直者不和柔而堅搏切指也。上下行者自寸至尺皆見緊直之脉也。

痙病有灸瘡難治。金廿八

痙病筋脉強急。陽氣消亡。加以素有灸瘡。則焦骨傷筋。血氣虧損。此陰陽兩虛之症。非表藥所能解散。故難治。

脉經曰痙病其脉伏堅直上下行。金二十

伏者裏虛而表邪深入。堅者切指而強急不和。亦邪盛正衰之脉。

太陽病其症脩。身體強。凡凡然。脉反沉遲。此爲瘧。括萆桂枝湯主之。凡音殊

以下節剛瘧觀之。則此爲柔瘧也。症備者兼有太陽病之頭項強痛。發熱惡風寒之症也。凡凡伸頸之貌。身體強者。狀亦如之。太陽傷寒則脉浮緊。中風則脉浮緩。今脉反沉遲。是太陽中風重感寒濕之脉。蓋濕則脉沉。寒則脉遲也。

括蕒桂枝湯方

括蕒根 二兩

桂枝 三兩

芍藥 三兩

甘草 二兩

生薑 三兩

大棗 十二枚

右六味以水九升。煮取三升。分溫三服。取微汗。汗不出。食頃。啜熱粥發。

桂枝湯中風解肌方也。桂枝行陽。芍藥養榮。甘草和中。生薑大棗行脾之津液。而和榮衛。加括蕒根者。以其能生液潤枯。榮筋徹熱。爲身體強急者所宜也。太陽病無汗而小便反少。氣上衝胸口噤不得語。欲作

剛痊葛根湯主之

寒傷榮則凜慄收歛閉固津液故無汗而小便反少也氣上衝胸寒邪逆上也寒則筋急故口噤不得語無汗故欲作剛痊

葛根湯方

葛根

四兩

麻黃

三兩
去節

桂枝

二兩
去皮

芍藥

二兩

甘草

二兩
炙

生薑

三兩

大棗

十二
枚

右七味。咬咀。以水一斗。先煮麻黃葛根減二升。去沫。內諸藥。煮取三升。去渣。溫服一升。覆取微似汗。

不須啜粥。餘如桂枝湯法將息。及禁忌。

此卽桂枝湯加麻黃葛根也。經云桂枝本爲解肌。不更發汗。今因剛瘧無汗。故加麻葛。卽桂枝麻黃各半湯之例。或曰經云發汗太多。因致瘧。今旣成瘧。又用葛根湯發汗。何也。曰旣見太陽表症。剛瘧無汗。安得不小發其汗乎。况麻葛桂枝雖能行陽發表。而內有芍藥以養陰和榮。甘草薑棗皆行津液和榮衛之品。又取微似汗。不令汗多。則于發散之中。仍寓潤養之意。于汗多成瘧之戒何拘。○先煮麻黃葛根去沫者。

去其浮越慄悍之性亦不欲其過于發汗也

痊爲病胸滿口噤臥不着席脚攣急必斷齒可與大承

氣湯金廿三

凡痊屬太陽惟此傳入陽明故不冠以太陽病而但

云痊爲病也蓋陽明病胃家實也其經下膈屬胃循

腹裏挾口環唇入上齒中以其從經入府爲實熱症

故胸滿

即前氣上衝胸之意

口噤斷齒

噤甚則上下齒相切也

臥不着席

脚攣急者即如角弓反張之意

邪在陽明則口噤邪在太陽則攣急

常日痊病臥不着席者小兒腰間去席二指大人手側掌爲難治

與大承氣湯以下

裏實、

按經文凡云某湯主之者。謂決宜用此湯以之爲主也。凡云可與某湯者。尙有慎重斟酌不敢輕用之意。太陽病。關節疼痛而煩。脉沉而細者。此名濕痺。濕痺之候。小便不利。大便反快。但當利其小便。一本此名中濕。二日。其傳云云。

太陽經行身之表外。邪皆得傷之。故亦易受濕氣也。關節疼痛者。濕流關節也。煩者。濕氣鬱蒸而內熱也。經云。沉潛水蓄。沉細爲濕。脉然。症病亦沉遲。弦細。何以別之。要知症病身不疼而反張。濕則關節疼煩爲

可辨耳。痺者閉塞不通之謂。卽內經濕氣勝者爲着痺之意。小便不利。濕壅于內也。大便秘。濕勝則濡瀉也。利小便則濕去而疼煩止矣。

濕家之爲病。一身盡疼。發熱。身色如薰黃也。

金十九

黃家爲濕熱交蒸之病。但濕不熱。但熱不濕。俱不發黃。傷寒陽明。

熱則黃色鮮明。如橘子色。陽黃也。此太陰受濕則黃。

色昏黯如熏黃色。陰黃也。王海藏云。色如橘子黃黃。

病也。一身不痛。如烟熏黃。濕病也。一身盡痛。蓋脾主

肌肉。屬濕土。土色黃。脾惡濕也。陽明表裏有熱。則身

不疼。此身疼。非傷寒。客熱。知濕邪在經。而爲黃也。發熱。亦濕氣熏蒸所致。

濕家。其人但頭汗出。背強。欲得被覆向火。若下之。發則噦。或胸滿。小便不利。舌上如胎者。以丹田有熱。胸上有寒。渴欲得水。而不能飲。則口燥煩也。

前節濕熱發黃。此屬寒濕相搏也。濕家多汗。此兼寒氣凝斂。故但頭汗出也。背強者。太陽經行身之背。寒濕外搏。經氣不利也。覆被向火。寒濕在表。自惡寒也。噦而胸滿。小便不利者。下後虛氣上逆。津液內竭也。

又下後裏虛上焦陽氣因虛而陷于下焦爲丹田有熱舌上白胎滑者表間寒氣乘虛入于胸中爲胸上有寒惟丹田有熱則渴欲飲水惟胸上有寒雖得水不能飲但口燥煩也

活人書云病人表實裏虛玄府不開則陽氣上出汗見于頭凡頭汗者五藏乾枯胞中空虛津液少也慎不可下下之爲重虛

玄府汗孔也

濕家下之額上汗出微喘小便利者死若下利不止者亦死

濕在表。下之則反虛其裏。氣額者。諸陽之會。額上汗出。是孤陽無根而上脫也。微喘者。裏氣不守而上逆也。經云。汗出髮潤。喘不休者。肺絕也。小便利。或下利者。陰氣不藏而下泄也。此陰陽離絕之症。故死。

李瑋西曰。前云濕家當利小便。以濕氣內瘀。小便原自不利。宜用藥利之。此下後裏虛。小便自利。液脫而死。不可一例槩也。

風濕相搏。一身盡疼痛。法當汗出而解。值天陰雨不止。醫云。此可發汗。汗之病不愈者。何也。蓋發其汗。汗大出。

者但風氣去濕氣在是故不愈也若治風濕者發其汗但微微似欲汗出者風濕俱去也

風濕相搏

搏者疑結不解之義

一身盡疼表症也自宜發汗值

天陰雨又當濕勝之時狀風屬陽邪其性輕浮濕屬

陰邪其性凝滯

成註謂風在外濕在內者非此俱屬表症也

汗大出者以

發之太驟則輕浮者易去而凝滯者難驅故不愈也

微微似欲汗出經所謂漬形以爲汗妙在漬字有浸

潤透徹之義卽桂枝湯通身熱發微似有汗者佳勿

如水流漓也

王宇泰曰此宜麻黃加朮湯桂枝附子湯桂枝加白朮湯之類

濕家病身疼發熱面黃而喘頭痛鼻塞而煩其脈大自能飲食腹中和無病病在頭中寒濕故鼻塞內藥鼻中

則愈

內字作解

金三

此中濕之淺者故症在表不在裏兼言寒濕者以濕性原屬寒也身疼者濕着于表也頭痛者濕浮于上也濕怫鬱而發熱濕熏蒸而面黃或喘鼻塞而煩者濕壅滯不宜而氣爲之不利也脈大者病在表能飲食者邪未入裏也此受濕尚淺但頭中寒濕故鼻塞

納藥鼻中以泄頭中寒濕病自愈矣

經云天氣通于肺肺開竅于鼻東垣云內傷症頭在

鼻塞為濕氣外薄也

王宇泰曰宜瓜蒂散其方用瓜蒂二十枚赤小豆黍米各十四粒為細末如大豆許一粒納鼻中縮入當

出黃水慎不可吹入

濕家身煩疼可與麻黃加朮湯發其汗為宜慎不可以

火攻之

身煩疼濕邪在表也麻黃湯恐汗大出風氣去濕氣在故加白朮以緩中而燥濕欲其一發一補所謂微

微似欲汗出者風濕俱去之意也火攻則濕與熱併或邪氣鬱而爲黃病或正氣虛而爲亡陽矣

麻黃加朮湯方

麻黃

二兩
去節

桂枝

二兩
去皮

杏仁

七十個
去皮尖

白朮

四兩

甘草

一兩
炙

右五味以水九升先煮麻黃減二升去上沫內諸藥煮取二升半去滓溫服八合覆取微似汗

麻黃桂枝發邪于表杏仁利氣于中狀恐過于發散故加甘草以緩之所以緩麻黃之峻烈也白朮苦

以燥之所以燥脾土之濕滯且白朮益脾又有無汗則發有汗則止之功

病者一身盡疼發熱日晡所劇者名風濕此病傷於汗出當風或久傷取冷所致也可與麻黃杏仁薏苡甘草

湯金卅五

身疼者濕也發熱者風也陽明王於申酉戌時病則日晡所劇今風濕外薄亦日晡所劇者何也蓋陽明者土也主肌肉而惡濕凡外感風濕肌肉受傷皆屬陽明經症故當其王時則邪正相爭而亦病劇也汗

出當風得之者。先客濕而後感風。汗亦濕類也。久傷取冷致之者。或風或濕。所感不論先後。而並得傷之也。成無已云。此先傷風而後中濕者。與此湯兼去風濕。

麻黃杏仁薏苡甘草湯

麻黃

半兩。去節。湯泡。

杏仁

十箇。去皮尖炒。

薏苡仁

半兩

甘草

一兩。炙。

右剉麻豆大。每服四錢匕。水一盞。煮八分。去滓溫服。有微汗。避風。

麻黃發表。杏仁利氣。甘草和榮衛。又以緩麻黃之迅。

烈○苡○仁○去○濕○入○肺○脾○二○經○肺○主○通○調○水○道○脾○土○既○燥○則○自○能○制○濕○矣○

風○濕○脈○浮○身○重○汗○出○惡○風○者○防○已○黃○耆○湯○主○之○
脈○浮○者○風○也○身○重○者○濕○也○濕○勝○則○多○汗○風○傷○衛○表○虛○則○亦○汗○出○惡○風○也○

防已黃耆湯方

防已 一兩

黃耆

一兩一分 去蘆

白朮

七錢半

甘草

半兩 炒

右剉麻豆大每抄五錢匕 生姜四片 大棗一枚 水

盞半煎八分。去滓溫服。良久再服。喘者加麻黃
半兩。胃中不和者加芍藥三分。氣上衝者加
桂枝三分。下有陳寒者加細辛三分。服後當
如垂行皮中。從腰下如水。後坐被上。又以一被繞
腰以下。溫令微汗差。

經云邪之所湊其氣必虛。汗出惡風者表虛也。黃芪
實表以固衛氣。衛氣實則風濕無所容而自散矣。風
濕從皮毛而入肌肉。白朮入脾胃二經。能壯肌肉而
燥濕。與黃芪同爲有汗則止無汗則發之劑。甘草助

脾土而制濕防已入膀胱經以利水爲治風水要藥

一云行十二經分木漢二種木防已治風漢防已治水加姜枣行津液而和榮

衛也風壅于肺則喘加麻黃以通肺壅芍藥入

脾經能于土中瀉木故胃不和者加之氣上衝者

欲作奔豚也桂枝泄奔豚故加之細辛味辛氣溫

能散水氣以去內寒故下有陳寒加之如虫行皮

中者藥氣行而風濕散也腰下如冰者濕性陰寒從

下部滲去也故令重被繞腰溫令微汗以發之

傷寒八九日風濕相搏身體疼煩不能自轉側不嘔不

渴脈浮虛而濇者桂枝附子湯主之若大便堅小便自利者去桂加白朮湯主之

煩者風也身疼不能轉側風濕在經也不嘔不渴裏無邪也經云風則浮虛兼濇者濕也桂枝附子湯祛風逐濕大便堅小便利為內無津液桂枝發汗走津液故去桂加白朮以生津液

桂枝附子湯方

桂枝四兩 去皮

甘草二兩 炙

生薑三兩 切

大棗十二

附子一枚 炮去皮 破八片

右五味以水三升煮取一升去滓分溫三服
桂枝湯解肌去芍藥恐其酸欬也加附子溫經行陽
則風濕俱去矣

白朮附子湯方

白朮 二兩

附子 一枚半炮去皮

甘草 一兩炙

生薑

一兩半切

大棗

六枚

右五味以水三升煮取一升去滓分溫三服一服
覺身痺半日許再服三服都盡其人如冒狀勿怪
卽是朮附並走皮中逐水氣未得除故耳

張元素曰。附子以白朮爲佐。乃除寒濕之聖藥。宜少加之。引經又益火之原。以消陰翳。則便溺有節也。風濕相搏。骨節疼痛。不得屈伸。近之則痛劇。汗出短氣。小便不利。惡風。不欲去衣。或身微腫者。甘草附子湯主之。

經云。濕家一身盡疼。又太陽中風。體痛。此骨節疼痛。掣痛。風則傷衛。濕流關節也。風氣疎泄。故汗出短氣。中風表虛。故惡風。着衣小便不利。濕內壅也。身腫濕外薄也。主此湯溫經以祛風濕。

甘草附子湯方

甘草

二兩炙

附子

二枚炮去皮

白朮

二兩

桂枝

四兩去皮

右四味以水六升煮取三升去滓溫服一升日三

服初服得微汗則復煩者服五合恐一升多者服

六七合為妙

活人書云身腫加防風悸氣小便不利加白茯苓

白朮補脾勝濕桂枝發表祛風甘草養正緩邪附子

性走而不守浮中沉無所不至昔人謂能引發表藥

逐在表之風邪引溫暖藥除中外之寒濕是也

太陽中暍者發熱惡寒身重而疼痛其脈弦細芤遲小便已洒洒然毛聳手足逆冷小有勞身即熱口開前板齒燥若發其汗則惡寒甚加溫鍼則發熱甚數下之則淋甚

金一

此條中暍所見者皆傷暑虛症此以時逢長夏也六月濕熱令行氣虛受困非若勞人奔馳烈日病燥渴煩躁治以人參白虎湯例也朕仲景無治法東垣以清暑益氣湯主之可見爲濕熱交蒸之病無疑矣蓋發熱惡寒身重疼痛暑病有之濕病亦有之暑脈弦細

訖遲濕脈亦沉而細也。太陽經行身之表，府屬膀胱。溺所從出，小便已洒洒然毛聳者，因溺則太陽府虛。故外而太陽經亦虛也。手足逆冷者，陽氣內虛不溫于四末也。小有勞身即熱者，暑傷氣也。口開者，濕熱壅盛，肺氣不利也。經云：因于暑，齒燥虛渴也。經云：陽氣者，衛外而爲固也。是則氣泄濕則脾困，故見此等證發汗惡寒者，陽虛於外也。溫鍼發熱者，熱攻於內也。下之淋甚者，津液竭而膀胱不利也。

活人書問中暑何故惡寒。答曰：經云：四時八風之中

人也。寒則皮膚急，腠理閉；暑則皮膚緩，腠理開。閉則熱而悶，開則洒然寒。

全生集云：夏月有四症：傷風、傷寒、脈症互見、中暑。熱病疑似難明，若脈緊惡寒，謂之傷寒；脈緩惡風，謂之傷風；脈盛壯熱，謂之熱病；脈虛身熱，謂之傷暑。以此別之也。

太陽中熱者，暍是也。汗出惡寒，身熱而渴也。白虎加人參湯主之。

熱傷氣，氣泄則汗出，氣虛則惡寒。熱蒸肌腠，則身熱。

熱消津液則作渴此惡寒身熱與傷寒相類所異者傷寒初起無汗不渴中暍初起卽汗出而渴也

白虎加人參湯方

石膏

一觔碎

知母

二兩

甘草

二兩

人參

三兩

粳米

六合

右五味以水一斗煮米熟湯成去滓溫服一升日

三服

白虎西方金神也熾熱方張欲轉夏暑爲秋涼故以白虎爲名石膏氣味辛甘寒其甘也能止渴去火其

辛也能解肌發汗。知母辛苦寒。下則潤腎燥以滋陰。上則清肺金而瀉火。人參益元氣而生津液。甘粳米資養脾土。且甘溫除大熱也。

又按春屬木。夏屬火。木能生火。故可轉春爲夏。秋屬金。冬屬水。金能生水。故可轉秋爲冬。若夏屬火。秋屬金。火能尅金。何能轉夏爲秋。故用甘草粳米味甘屬土者。使火生土。土生金。是謂轉夏爲秋之義也。

東垣曰。身以前胃之經也。胸前肺之室也。邪在陽明。肺受火制。故用辛寒以清肺氣。所以有白虎之名。

太陽中暍。身熱疼重。而脈微弱。此以夏月傷冷水。水行皮中。所致也。一物瓜蒂湯主之。
中暍邪在表。故身熱傷冷水。故身疼重。暑傷氣。氣虛故脈微弱也。

一物瓜蒂湯方

瓜蒂二十箇剉。

以水一升。煮取五合。去滓頓服。

瓜蒂氣味苦寒。治身面四肢浮腫。散皮膚中水氣。苦以泄之也。

百合狐惑陰陽毒證治第三

活人書云傷寒虛勞大病後氣未平復變成百合病。今由百脈一宗致病觀之。當是心肺二經之病也。蓋心合血脈。肺朝百脈。脈者血之府。凡病在氣分者。顯而易見。病在血分者。隱而難名。如行臥飲食寒熱等症。皆有莫可形容之狀。在內經解。仿病似之。觀篇首如有神靈者。豈非以心藏神。肺藏魄。人身神魄失守。遂有恍忽錯妄之情乎。千金云。狐惑由溫毒氣所致。乃狐惑正

病也。傷寒不發汗，變成狐惑。乃狐惑變病也。活人書云：狐惑傷寒，與濕蘊皆虫症。初起狀如傷寒，或因傷寒變此疾。大抵傷寒腹內熱，食少，腸胃虛，三虫食人五藏，及下部為蘊虫病。其候齒無色，舌白，甚者唇黑有瘡，四肢沉重，喜眠，虫蝕其肛，爛見五藏則死。看其上唇有瘡，虫蝕其藏，下唇有瘡，虫蝕其肛，殺人甚急。多因下利得之。埤雅云：狐性多疑，此症令病者疑，醫者惑，故名狐惑也。陰毒者，感天地肅殺毒厲之氣而成。陽

毒者。活人書云。初病時。邪毒深重。加以當汗不汗。當下不下。或吐下後。邪熱乘虛而入。誤服熱藥。使毒熱散漫延燎。六脈沉實。舌捲焦黑。鼻如烟煤。身面錦斑。狂言直走。登高弃衣。皆其症也。狀陰陽毒。多因時疫所感者。要之。此三病皆爲熱症。百合熱尚淺。狐惑熱深。陽毒則熱更甚矣。症濕暍三病。與傷寒相似。旣于前篇詳辨之。今百合狐惑陰陽毒。常從傷寒所致。復于此篇類推之也。張卿子先生云。金匱要畧。卽傷寒論未

三 盡之餘。若竟作雜症視之。則失之遠矣。

論曰。百合病者。百脈一宗。悉致其病也。意欲食。復不能食。常默默。欲臥不能臥。欲行不能行。欲飲。或有美時。或有不。用。聞食臭時。如寒無寒。如熱無熱。口苦。小便赤。諸藥不能治。得藥則劇吐利。如有神靈者。身形如和。其脈微數。每溺時頭痛者。六十日乃愈。若溺時頭不痛。漸狀者。四十日愈。若溺快狀。但頭眩者。三十日愈。其症或未病而預見。或病四五日而出。或病二十日。或一月後見者。各隨症治之。金一

病名百合。以百脈合而成病也。一宗者。宗氣出入身榮氣出于中焦。宗氣出于上焦。正當膻中。積滯之處。膻中任脈穴名。在兩乳間。難經云。氣會膻中。是爲上氣海。鍼經云。五穀入胃。其糟粕津液宗氣分爲三隧。宗氣積於胸中。出喉嚨以貫心肺而行榮衛。益分而爲百脈。合而爲一宗也。百脈一宗。悉致其病。則源流上下表裏無一不病矣。所以致此病者。內經云。凡傷于寒。則爲病熱。今之傷寒古名爲熱病熱氣遺留不去。伏于脈中。則昏昏默默。凡行臥飲食寒熱皆有一種虛煩不耐之象。以致熱在上。則口苦。

熱在下則便赤逆于上則爲吐溢于下則爲利也。如有神靈者以心肺俱病神魄無所憑依而爲之昏憤也。身形不和而如和者熱伏于脈而不覺也。脈微數者熱客脈中而傷榮也。頭者諸陽之首膀胱者太陽之府溺從此出太陽經上額交巔溺則膀胱府虛陽氣下陷故經氣亦虛而頭痛也。頭痛者其病深故六十日過一甲子之數始愈溺時但洒淅怯寒者表中陽氣尚未虛極故四十日愈。若溺快狀則太陽經氣已克但頭眩則較頭痛爲漸輕故二十日愈其症二

字指溺時頭痛漸然諸症而言。或未病預見者。謂未
經百合病之先。預見溺時頭痛等症也。下三句各隨
症治之。指下文諸治法言。

百合病發汗後者。百合知母湯主之。金

百合知母湯方

百合七枚 知母三兩

右先以水洗百合。漬一宿。當白沫出。去其水。更以
泉水二升。煎取一升。去滓。別以泉水二升。煎知母。
取一升。去滓。後合和。煎取一升五合。分溫再服。

前節云、各隨症治之。此節以下、皆隨症治之之法也。病名百合、卽以百合治之。前哲俱未發明、今以臆解之。實有至理存焉。蓋古人用藥治病、有因其名而治之者。如治風用防風、生產用益母艸之類是也。有因其形而治之者。如川棟子、荔枝核、治疝、胡桃肉、沙苑、蒺藜、補腎、大腹皮、治腹脹之類是也。可見醫者意也。皆因名與形之相類、而以意使之者也。今病名百合、藥亦名百合、其名同也。辨辨合成、猶如心肺、其形同也。

心形如未敷蓮花、中有七孔三毛、通天眞之氣。肺形六葉兩耳、四垂如盤、中有二十四孔、以分布諸

氣二臟形。况百合氣味甘寒。入心肺二經。本脾稱其

有清心安神保肺益氣之功。則以之治百合病。乃仲

景至精至巧之治神而明之者也。但其熱在腠而不

在皮毛。發汗則陰氣既虛。復亡津液。知母入肺經而

滋陰清熱。以肺合皮毛。汗從皮毛中出。則肺虛故加

知母以潤肺也。

叶
百合病下之後者。滑石代赭湯主之。金八

滑石代赭湯方

百合

七枚

滑石

三兩碎

代赭石

如彈丸大
一枚碎綿

表。

右先以水洗百合。漬一宿。當白沫出。去其水。更以
泉水二升。煎取一升。去渣。別以泉水二升。煎滑石
代赭。取一升。去滓。後合和重煎。取一升五合。分溫
服。

熱在脈。而不在府。下之則熱邪入裏。協熱遂利。而下
焦不固。故加滑石。之分利者。泄水穀。以分陰陽。代赭
石之重瀉者。鎮下焦。而固虛脫。

百合病吐之後者。百合雞子湯主之。金九

百合七枚 生地黃汁一升

右以水洗百合漬一宿當白沫出去其水更以泉水二升煎取一升去滓內地黃汁煎取一升五合分溫再服中病勿更服大便當如漆

百合病不經汗吐下未免熱鬱血脈中而不散生地黃甘寒入心經能養脈涼血所謂潤經益血復脈通心也大便如漆則瘀血行而積熱解矣

百合病一月不解變成渴者百合洗方主之金五

百合洗方

故其病他殺不害其本不以其言之以見其人之不
者其本也武帝初病中程表明堂月令亦云
種表其有失時者行罪無疑凡以指續所刺民不

右以百合一升水一斗漬之一宿以洗身洗已食

煮餅勿以鹽鼓也

以為意耳其科每下一宿二月間之氣和
其一二表初至則根是二科今若二宿根平其
其則定而天性惡濕以地燥天當晴後得

熱伏脈中久則消燦津液故變成渴煮百合洗之則

血脈充暢津液流通而渴止矣

者移者且其亦有其果則利之非難

此多為上品江南地濕天有雨
即色黑而砂甚利利致不立

按百合病成渴者心火上炎肺金銷鑠也狀肺合皮

毛而主氣故洗皮毛而氣通心合血脈食麴餅者以

麥入心經心血既充則脈病自解矣勿以鹽鼓者因

病在血脈經云鹹走血血病無多食鹽是也鼓味苦

而上涌氣多發越能令人吐又按作鼓法雜姜椒鹽

物為性及不性而如大湯火熾而燥或降入之
味味大者性足在者性微而氣之半全疾降入之
者性微而氣之半全疾降入之者性微而氣之半全疾降入之

醋。醋味酸飲。鹽味走血。薑椒辛烈散氣也。

百合病。渴不差者。括蕒壯蠋散主之。金六

括蕒壯蠋散方

括蕒根

壯蠋 熬等分

右爲細末。米飲服方寸匕。日三服。

渴不差者。血虛內熱也。括蕒根能撤熱生津。壯蠋水

族鹹寒入腎經。腎屬水。張元素謂壯蠋壯水之主。以

制陽光。則渴飲不思是也。

百合病。變發熱者。百合滑石散主之。金四

百合滑石散方

百合 一兩

滑石 三兩

右爲散。飲服方寸七日三服。當微利者止服。熱則除。

由內熱以致表熱。用滑石利小便。以瀉去內熱。則表熱從此泄去。此釜底抽薪法也。又心合脈。與小腸爲表裏。利小便。卽以瀉心火也。

百合病見于陰者。以陽法救之。見于陽者。以陰法救之。見陽攻陰。復發其汗。此爲逆。見陰攻陽。乃復下之。此亦

爲逆

百合病多端。前數條治法。亦說不盡。故此節總結上文。而以大槩治例言之也。救與攻二字不同。救者補其虛。攻者去其實也。故見陰之盛者。如厥逆之類。則當用補陽法救之。以散其陰。見陽之亢者。如燥渴之類。則當用滋陰法救之。以抑其陽。此正治也。若見陽之亢。則陰絕矣。不能救陰。而反攻其陰。且復發汗。以燥其津液。見陰之盛。則陽衰矣。不能救陽。而反攻其陽。且復下之。以損其真元。則逆之甚也。要知百合病。

原無汗下之法不可不慎

狐惑之爲病狀如傷寒默默欲眠目不得閉臥起不安
蝕于喉爲惑蝕于陰爲狐不欲飲食惡聞食臭其面目
乍赤乍黑乍白蝕于上部則聲啞甘草瀉心湯主之

狐惑是傷寒遺熱所致故仍狀如傷寒也默默欲眠
者內熱神昏經云虫動則令人惋心是也喉肛與前
陰皆關竅所通津液滋潤之處故虫每蝕于此不欲
飲食惡聞食臭是內熱而胃氣不和故有目不得閉
臥起不安之證

經云胃不和則臥不安

虫或動或伏無有定時

故面目赤白黑亦無定色也。蝕于上部即喉也。喝者聲破而啞也。

甘草瀉心湯方

黃連用蜜炙。甘草用蜜炙。大棗用蜜炙。人參用蜜炙。半夏用蜜炙。乾薑用蜜炙。右七味。水一斗。煮取六升。去滓。再煎。溫服一升。日三服。

甘草 四兩

人參 三兩

半夏 半升

黃芩 三兩

黃連 一兩

乾薑 三兩

大棗 十二枚

右七味。水一斗。煮取六升。去滓。再煎。溫服一升。日

三服。

大棗。黃連。甘草。人參。乾薑。半夏。水一斗。煮取六升。去滓。再煎。溫服一升。日三服。

苦以泄之。芩連之苦以清熱。又殺虫也。則代甘以補之人參甘草大棗之甘以和胃也。辛以潤之半夏

乾薑之辛以潤燥而和聲也。
蝕於下部則咽乾苦參湯洗之。

苦參湯方

苦參一斤

右以水一斗煎取七升去滓熏洗日三

下部卽前陰也。虫蝕之則津液竭于下而咽喉乾干。
上凡虫生于濕熱苦參氣味苦寒苦以燥濕寒能勝
熱故主殺虫。

蝕于脰者雄黃散熏之。

雄黃散方

雄黃

右一味爲末筒瓦二枚合之燒向肛熏之

厥陰屬風木而生虫雄黃味苦有毒獨入厥陰爲殺虫解毒之聖藥陰與肛俱在下極藥力未必到此故用熏洗之法

病者脈數無熱微煩默默但欲臥汗出初得之三四日目赤如鳩眼七八日目四眦黑若能食者膿已成也赤豆當歸湯主之

此亦狐惑病也。脈數爲熱，無熱者以熱伏于內，不覺其熱也。微煩者，熱也。默默欲臥，內熱神昏也。且熱自內蒸，則汗從外泄。經云：藏府精華上注于目。其目赤如鳩眼，四眥黑，則熱毒已深。膿成則熱毒併歸下部，胃虛求食自助，故能食也。前不欲飲食，是胃不和也。此能食，爲胃虛。經云：脈數不止而熱不解，則生惡瘡。今膿成在何處？大率在陰與肛之間。蓋積熱生虫，亦積熱成膿，是亦惡瘡之類也。故主赤豆當歸散。

赤豆當歸散方

赤小豆

三升浸令芽出曝乾

當歸

十兩

右二味杵爲散漿水服方寸七日三服

當歸治惡瘡而和血赤豆心之穀也色赤入血分其性下行主散血排膿漿水卽酸泔水也或云煮粟米飲釀成能解煩渴以味酸也能化滯物以其米味之變也亦猶神麴麥芽既經醞造能消食耳

陽毒之爲病面赤斑斑如錦文咽喉痛吐膿血五日可治七日不可治升麻鱉甲湯主之金匱十二

陽毒者疫氣化而爲熱也病在陽明陽明經脈循面

面赤斑斑如錦文者血熱毒盛胃火亢極夾血上浮於肌肉之外也。陽明主肌肉靈樞云胃經循喉嚨入缺盆。

病則頸腫喉痺今毒氣上壅津液熱腐故咽喉痛吐

膿血五日傳經未盡故可治七日傳經盡故不可治。

陰毒之爲病面目青身痛如被杖咽喉痛五日可治七

日不可治升麻鱉甲湯去雄黃蜀椒主之。金匱要略卷之十二

陰毒者疫氣入于陰經也病在少陰腎經寒色悽慘

故面目青寒氣欬束故身痛如被杖所謂寒傷形者

此也吳綬云陽毒咽痛熱極也陰毒咽喉不利冷極

也○少陰脈循喉嚨○挾舌本○其病咽腫○噎痛○益冷○則經脈凝滯○血氣閉固○不通○故咽喉亦痛也○

李升璽曰○咽痛寒熱不一○惟少陰傷寒咽痛○有二證○一以汗多亡陽○用乾薑附子○溫經復陽○一以陰盛格陽○用通脈四逆湯○散陰通陽○可見咽痛多屬寒證○無疑○

升麻鱉甲湯方

升麻

二兩

鱉甲

手指大一片炙

當歸

一兩

甘草

二兩

雄黃

半兩研

蜀椒

炒去汗一兩

右六味以水四升煮取一升頓服之老小再服取汗

熱毒聚胃故用升麻入胃經以解毒驚甲當歸養陰和血雄黃解毒散瘀甘草甘以緩之瀉之爲解毒止痛吐膿血之聖藥蜀椒辛溫能引熱氣下行用治陽毒所謂從治之法引火歸原之意也然大法治發斑不可下恐毒氣內陷也不可汗恐增斑爛也今此方云取汗者因毒氣鬱蒸爲害須汗以通暢陰陽之氣要不似麻黃湯之大發汗也陰毒亦主此方者以陰

毒蘊結不散故用升麻達陽氣以散凝陰。鱉甲當歸
甘州同爲和陰血養正氣之劑則身痛咽痛俱止矣。
去雄黃蜀椒者以其不吐膿血則無取雄黃之散瘀
血雄黃能使血化爲水且身痛在表亦無取蜀椒之溫中耳。

或問仲景傷寒論治陽證以白虎承氣治陰證以四
逆理中今治陽毒不用寒藥治陰毒不用熱藥僅用
升麻鱉甲湯何也。答曰此非正傷寒例也。觀王趙二
公論可知矣。附錄于左。

趙養葵曰此陰陽二毒是感天地疫癘非常之氣沿

家傳染所謂時疫證是也。觀方內老少再服可貶

王履曰、仲景雖有陰毒之名、然其叙證不過面目青、身痛咽痛而已、並不言陰寒極盛之證、其升麻鱉甲湯並不用大熱藥、是知仲景所謂陰毒者、非陰寒之病、乃感天地惡毒異氣、入于陰經、故曰陰毒耳。後人謂陰寒極盛之證、稱爲陰毒、引仲景所叙面目青、身痛如被杖、咽喉痛數語、卻用附子散、正陽散等藥、竊謂陰寒極盛之證、固可名爲陰毒、然終非仲景所以立名之本意、觀後人所叙陰毒、與仲景所叙陰毒自

是兩般豈可混論。蓋後人所叙陰毒只是內傷冷物或暴寒所中或過服寒涼藥或內外俱傷於寒而成耳。非天地惡毒異氣所中者也。

[illegible]

痿病脉證治第四

痿者、虐也、寒熱侵人暴虐至甚、故名虐、內經痿論最詳、云痿瘥皆生于風、又云、得之夏傷于暑、又云、夏暑汗不出者、秋成痿瘥、其始發也、陽氣并于陰、陽虛而陰盛、外無氣、故先寒慄也、陰氣逆極、則復出之陽、陽與陰復并于外、則陰虛而陽實、故熱而渴、并于陽、則陽勝而熱、并于陰、則陰勝而寒、極則陰陽俱衰、衛氣相離、故病乃休、衛氣集、則復病也、衛氣者、晝日行于陽、夜行于

陰○此氣得陽而外出得陰而內薄○內外相薄故
日○作也○若邪氣內薄于五藏○橫連募原○其道遠
其氣深○其行遲○不能與衛氣俱行○不得皆出故
間日乃作也○又邪氣客于風府○循膂而下○衛氣
一日一夜大會于風府○其明日日下一節○每至
于風府○則腠理開○邪氣入○則病作○以此作日益
晏也○其出于風府日下一節○二十五日下至骶
骨○二十六日入于脊內○注于伏膂之末○其氣上
行九日出于缺盆之中○其氣日高○故作日益蚤

也已上俱出內經。今更思之。瘧發于夏秋之交。此因乎天時者也。濕熱蒸溽之地。如粵蜀滇黔。土鬱作瘴。瘴地在西南未申坤位。故瘧發之期。月多在此。時刻亦多在此。觀藥用枳榔草果。可見此因乎地理者也。饑飽勞傷。痰癖房事。此得之內傷者也。涼亭水閣。露坐當風。行人担夫。紅塵赤日。此得之外感者也。又瘧病多腹脹減食。嘔惡等症。皆屬太陰濕土。脾氣困也。瘧愈常發。口瘡唇疹。以脾開竅于口。脾邪自內出而外散。

也。治法能始舒脾困。後補脾虛。則虛無不愈。觀古方治瘧。清脾飲諸方。多用白朮補脾等藥。此尤其最驗者矣。

師曰。瘧脈自弦。弦數者多熱。弦遲者多寒。弦小緊者下之差。弦遲者可溫之。弦緊者可發汗。鍼灸也。浮大者可吐之。弦數者風發也。以飲食消息止之。

弦爲風脈。亦屬肝脈。以風氣通于肝。而瘧生于風也。又傷寒少陽病。見弦脈。瘧疾寒熱往來。口渴作嘔多。似少陽症。故其脈亦弦。治瘧用小柴胡湯。即熱勢躁。

急故弦而兼數寒性凝滯故弦而兼遲脉小藥考邪
氣飲束爲裏實故可下遲則爲寒故可溫寒傷榮則
弦緊而無汗故可發汗鍼灸浮大者病在上焦故可
吐數乃陽脉風爲陽邪故脉弦而數風則傷衛受邪
尚淺故但宜飲食消息止之

李瑋西曰傷寒有汗吐下溫和解五法此節治瘧亦
具五法在內飲食消息止之及後蜀漆散白虎加桂
枝二方皆和解法也但汗與溫治法確不可易若下
與吐則又宜加斟酌不可悞施者也

病瘧。以月一日發。當以十五日愈。設不差。當月盡解。如其不差。當云何。師曰。此結爲癥瘕。名曰瘕母。急治之。宜鱉甲煎丸。

月一日。謂本月內瘕初發之第一日也。傳經七日爲一週。十五日再傳經盡。故瘕當愈。或云五日爲一候。三候爲一氣。十五日天道節氣更移。則人身陰陽氣血亦爲變易。故十五日愈。癥瘕者。邪盛正衰。血結氣聚。或痰與食固結不解也。急治之。遲則難散矣。後治牝瘕用龍骨。此治瘕母用鱉甲。龍屬陽。鱉屬陰。一陰一陽之義也。

鱉甲煎丸方

鱉甲 一分

柴胡 六分

人參 一分

半夏 一分

黃芩 三分

桂枝 三分

芍藥 五分

乾薑 三分

阿膠 三分

丹皮 五分

桃仁 二分

厚朴 三分

赤硝 十二分

葶藶 一分

瞿麥 二分

大黃 二分

烏扇 三分

蜣螂 六分

蜂窠 四分

紫葳 三分

鼠婦 三分

塵蟲 五分

石韋 三分

右二十三味

為末

取煨竈下灰一斗

清酒一斛

斗浸灰候酒盡

一半着籠甲於中

煮令泛爛如膠

膠

漆絞取汁內諸藥煎為丸如梧子大空心服七丸

日三服

用中平宣連散布為丸如梧子大空心服七丸

肝藏血凡症癰癥瘰癧皆肝經血液凝結之病肝色青

鱗色亦青能獨入厥陰肝經而散癥瘰故以之為君

柴芩清熱人參補虛半夏散結即小柴胡湯也為傷

寒半表裏和解之劑今治瘧母乃除風暑寒熱之要

藥以清其源之意也桂枝發表芍藥和榮即桂枝湯

也為中風解肌之方今治瘧母乃外走表而內養陰

為徹表裏和榮衛之要藥大黃厚朴桃仁即傷寒桃

仁承氣湯以治蓄血。今治瘧母爲逐血攻痞之劑。再
用阿膠養血。丹皮行瘀。其餘麝蟲赤硝鼠婦紫葳逐
邪于血中。石韋葶藶麥烏扇蜂房蟪螂攻邪于氣。
分取煨龍下灰者。卽用伏龍肝之意。以其得火土之
氣。用以溫補脾氣。爲養正祛邪之法。煎以清酒。欲其
行也。此治瘧母祖方。不可易也。

師曰。陰氣孤絕。陽氣獨發。則熱而少氣煩冤。手足熱而
欲嘔。名曰瘧瘧。若但熱不寒者。邪氣內藏于心。外舍分
肉之間。令人銷鑠肌肉。分去聲

內經云痺瘥者肺素有熱氣盛于身厥逆上衝中氣
實而不外泄因有所用力腠理開風寒舍于皮膚之
內分肉之間發則陽氣盛則病矣其氣不及于陰故
但熱不寒令人銷鑠肌肉蓋瘥者陰陽更勝也痺瘥
有陽無陰故所見俱是熱證少氣煩冤熱傷氣也四
肢者諸陽之本此陽氣盛故手足熱也欲嘔者經云
諸逆衝上皆屬于火也心屬火邪氣內藏久而化熱
故但熱不寒銷鑠肌肉火氣勝也

內經以痺瘥屬肺
熱仲景以痺瘥屬

心
火

李升聖曰下節溫瘧無寒但熱此痺瘧但熱不寒症頗相類亦宜白虎加桂枝之屬

溫瘧者其脉如平身無寒但熱骨節疼煩時嘔白虎加

桂枝湯主之

此病由濕熱先起後寒同名溫瘧也先于大風或于前發以冬氣通于腎故有前發後寒之氣也至春陽氣大發不能自出因遇大暑暑氣發泄或有所困抑氣汗出先從內出之外也如是者陰虛而陽盛陽盛故先熱後寒則氣復入內陽氣盛故後寒也此病由濕熱先起後寒也

內經云溫瘧因冬中風寒氣藏骨髓至春陽氣大發

邪氣不能自出因遇大暑腦髓鑠肌肉消腠理發泄

或有所用力邪氣與汗皆出此病藏于腎其氣先從

內出之于外也此陰虛而陽盛陽盛則熱矣衰則氣

復反入則陽虛而寒故先熱後寒名曰溫瘧

內經以先熱後

寒者爲溫瘧仲景以其脉如平者邪氣深入伏藏于
無寒但熱者爲溫瘧內不平而如平耳身無寒但熱者寒邪醞釀既久悉
化爲熱也骨節疼煩以冬時邪藏于腎腎主骨骨髓
之內不勝其熱也時嘔者胃氣熱而上逆也白虎湯
清內熱加桂枝治骨節煩疼

白虎加桂枝湯方

石膏 一斤

知母 六兩

甘草 二兩
炙

粳米 六合

桂枝 二兩

右五味以水一斗煮米熟湯成去滓溫服一升日

三服

瘡多寒者名曰牝瘡。蜀漆散主之。

內經曰：夏傷于暑，汗出，腠理開發，因遇凄愴之小寒，藏于腠理皮膚之中，秋傷于風，則病成矣。夫寒者陰氣也，風者陽氣也。先傷于寒而後傷于風，故先寒後熱，名曰寒瘧。此云多寒，則是但寒無熱也。內經以先寒後熱者為寒瘧，仲景以多寒者為牝瘡。凡人身以熱為陽，寒為陰，物類以陽為牡，陰為牝。此因寒多陰勝，故名牝瘡。主蜀漆散升陽退陰也。

蜀漆散方

蜀漆洗去腥

雲母燒二日夜

龍骨各等分

右三味杵爲散。未發時漿水服半錢。溫瘧加蜀

漆半分。臨發時服一錢匕。

牝瘧證多陰寒。治宜助陽溫散爲主。雲母之根爲陽起石。下有雲母。上多雲氣。性溫氣升。乃升發陽氣之物。龍骨屬陽。能逐陰邪。而起陽氣。蜀漆乃常山之苗。功能治瘧。不用根而用苗者。取其性多升發。能透達陽氣于上之義也。溫瘧加蜀漆。亦取其升散之功。但

牝瘧屬陰。邪氣深入。未發時服者。先其機而奪之。溫
瘧屬陽。邪氣浮越。臨發時服者。折其勢而散之也。

○中風歷節病脉證治第五

素問云、風者、百病之長、善行而數變、靈樞云、虛邪偏客于身半、其入深者、內居榮衛、榮衛衰則真氣去、邪氣獨留、發爲偏枯、其邪氣淺者、脉偏痛、又云、痲之爲病也、身無痛者、四肢不收、志亂不甚、其言微知、可治、甚則不能言、不可治也、偏枯者、身偏不用而痛、言不變、志不亂、病在分腠之間、蓋藏府有俞、俞皆在背、中風者、外爲風邪所中、多從俞入者也、而有中藏中府中血脉之

分中藏者病在裏多滯九竅故耳聾鼻塞目瞤
不能言二便閉法當下之中府者病在表多着
四肢故肢節廢拘急不仁外有六經形症法當
汗之中血脉者病在半表半裏外無六經形症
內無便溺閉澀但口眼喎斜半身不遂不可過
汗恐虛其衛不可大下恐損其榮法當養血順
氣以和之而已此篇所云中風大都中府中血
脉者居多歷節病卽因中風所致經云諸筋者
皆屬于節以中風多着筋骨故節節皆痛爲歷

節病也。外如水傷心，穀氣實，飲酒汗出，諸證則又歷節病之不等倫者矣。

夫風之爲病，當半身不遂，或但臂不遂者，此爲痺。脉微而數，中風使然。

半身不遂，卽偏枯證也。不遂者，謂不能屈伸轉動，不遂其意也。經云：三陽三陰發病，爲偏枯痿易。

言左右變易爲

痿也。四肢不舉，蓋三陽者，足太陽膀胱也；其經自頭背下行至足。三陰者，足太陰脾也；脾主四肢，故二經多有半身不遂之病。若痺者，閉也。藏府正氣爲邪氣所

閉則痺而不仁。靈樞云。病一臂不遂。時復又移一臂者。非風也。痺也。此亦云。風病當半身不遂。若但臂不遂者。痺也。非風也。蓋風與痺。似同而實異。故內經風痺各爲立論。而局方風痺類同一治者。非也。脈微者。正氣虛也。數者。風爲陽邪。其氣煩擾不寧也。

李升壘曰。內經云。風氣勝者爲行痺。則痺亦有屬中風所致者。但一臂與半身。輕重淺深之間。自各不同。此風與痺所宜分。而治法亦宜各爲辨也。或云。脾主四肢。臂不遂者。有屬脾病。或濕痰死血使然。

寸口脉浮而緊。緊則爲寒。浮則爲虛。寒虛相搏。邪在皮膚。浮者血虛。絡脉空虛。賊邪不瀉。或左或右。邪氣反緩。正氣卽急。正氣引邪。咽喉僻不遂。邪在于絡。肌膚不仁。邪在於經。卽重不勝。邪入於府。卽不識人。邪入於藏。舌卽難言。口吐涎。

此節八個邪字。俱指中風言。以風邪無定在。而有中血脉。中府中藏之不同也。浮緊之脉。爲寒虛相搏。邪在皮膚。所謂風則傷衛。寒則傷榮也。浮脉氣張于外。則血自虛于中。脉者血之府。血虛則絡脉空虛。賊邪

不瀉卽經云邪之所湊其氣必虛也。或左或右五句俱指噤僻言。邪氣反緩正氣卽急。以口兩旁正氣原自不緩不急。本無偏勝。假若噤僻向左。是右有邪氣。經脈爲之緩縱。故爲左之正氣所牽急也。噤僻向右。是左有邪氣。經脈爲之緩縱。故爲右之正氣所牽急也。正氣引邪言正氣爲邪氣所引也。僻者偏也。噤僻不遂謂口角偏向。欲正不能不遂其意也。絡淺而經深。故邪在于絡肌膚不仁。經脈爲邪氣壅滯不利。故邪在於經卽重不勝。以上俱言邪中血脉也。其有中

府中藏者則陽明內熱氣多昏冒故邪入于府卽不識人心之竅爲舌心之聲爲言脾之竅爲口脾之液爲涎邪入于藏舌卽難言口吐涎是邪在心脾二經也。

按耳鼻本靜故風息焉口目常動故風生焉口眼喎邪多屬胃土而有筋脉之分經云足之陽明手之太陽筋急則口目爲僻皆急不能卒視此胃土之筋病也又云足陽明之脉挾口環唇此胃土之脉病也又按不仁二字形容最妙蓋仁者天地生物之心卽

萬物所以生生之理。譬桃梅諸菓。含于核中者。皆謂之仁。將此仁種于土中。復生于萬億桃梅諸樹。且結爲千萬億桃梅諸菓之仁。皆此生機流行于無窮也。若肌膚不仁。則氣血枯槁。痛痒不知。其肉已死。故名不仁。以其生機滅絕也。

寸口脉遲而緩。遲則爲寒。緩則爲虛。榮緩則爲亡血。衛緩則爲中風。邪氣中經。則身痒而癢。疹心氣不足。邪氣入中。則胸滿而短氣。全子。

此節中風以榮衛經脉爲主。蓋經卽脉也。脉者血之

府榮行脉中。衛行脉外。若心合血脉。則又統領榮衛。以行乎經脉者也。如經脉榮衛克周。雖有風邪。何從而入。惟榮衛俱虛。故風邪得以中經也。脉遲與緩。似同而實異。遲者一息脉二三至。緩者脉一息四五至。往來從容不數疾也。然此所謂緩者。乃懈弛不鼓動之緩。非有胃氣和緩之緩也。寸口兼言遲緩。而榮衛但言緩者。寒少而虛多。先虛而後寒也。寸口兼脉之尺寸言榮。則單指尺脉。衛則單指寸脉。以尺脉在下。屬陰主內。故爲榮。寸脉在上。屬陽主外。故爲衛也。或云

榮指沉脈衛指浮脈言然浮沉之惟榮主血榮緩則
間急則俱急緩則俱緩無所異也惟榮主血榮緩則
不能克乎脈中故爲亡血衛主氣衛緩則不能實乎
脈外故爲中風也邪氣中經此邪氣卽風氣也經云
遲爲無陽不能作汗其身必痒以痛爲實痒爲虛也
癰疹者風邪搏血鬱蒸而化熱也又經云風氣相搏
必成癰疹身痒者名泄風久爲痂癩是也心合血脈
心氣不足仍是榮緩亡血之證經云陽受氣于胸中
邪氣入中以虛寒相搏陽氣不足則邪氣上逆而奔
迫故胸滿短氣也

寸口脉沉而弱。沉即主骨。弱即主筋。沉即為腎。弱即為肝。汗出入水中。如水傷心。歷節黃汗出。故曰歷節。如一作如濕漬之意。

此歷節病不獨中風而又有挾濕者。蓋風令脉浮。此脉沉。故有辨也。此寸口脉通指寸關尺三部而言。東垣云。外傷風寒。是腎肝之氣已絕于內。蓋腎合骨。肝合筋。故主骨者即為腎。主筋者即為肝也。沉即為腎者。腎脉伏藏在下也。弱即為肝者。肝藏血而血亡。經所謂風客淫氣。精乃亡。邪傷肝也。汗出則受風矣。又

以水中以致冰傷心而歷節黃汗出經所謂風濕相搏骨節疼煩掣痛者是也故曰歷節蓋心屬火水傷心則水尅火矣黃汗出者水氣鬱蒸所致也

跌陽脉浮而滑滑則穀氣實浮則汗自出

此歷節病不獨外感風濕而又有內傷穀氣者之所致也跌陽胃脉也診在衝陽動脉經云食入于陰長氣于陽滑者脉如流珠乃胃氣有餘之象故爲穀氣實實則氣蒸于外衛氣疎泄不能固表故脉浮汗出而受風也

按前節汗出則腠理開而受風入水則寒氣勝而透骨故濕流關節歷節而痛是外因也此節跌陽脉浮滑者胃中水穀濕熱之氣蒸發于外以致汗出受風亦歷節而痛此內因也汗即是濕汗出更受風是亦風濕相搏之症少陰脉浮而弱弱則血不足浮則爲風風血相搏卽疼痛如掣

金二五

此歷節病之因血虛而致者也少陰腎脉也診在太

谿

在內踝上動脉

腎脉宜沉而微石今反浮而弱經云尺脉

浮爲傷腎故爲血不足爲風也風在血中則慄悍動

切無所不至。爲風血相搏。蓋血主榮養筋骨者也。若風以燥之。則血愈耗。而筋骨失其所養。故疼痛如掣。昔人云。治風先養血。血生風自滅。此其治也。

盛人脈濇。小短氣。自汗出。歷節疼。不可屈伸。此皆飲酒汗出。當風所致。金二

此歷節病之因。飲酒而致者也。當看盛人二字。盛人肥壯。脈當洪大。而反濇小。以體盛于外者。氣歉于中。故易受風邪也。况肥人多濕。酒性濕而且熱。飲之則內而熏蒸腸胃。外而發泄皮毛。更易汗出。斯時偏喜

當風

故也熱蒸

則風入筋骨間爲歷節痛所以其脈瀆小

者瀆爲血虛小爲氣弱此脈與形體不相應者也短

氣者肺氣虛而難以接續自汗出者風邪鼓蕩腠理

疎泄也內經云飲酒中風則爲漏風此歷節病之所

由成也

諸肢節疼痛身體尪羸脚腫如脫頭眩短氣溫溫欲吐

桂枝芍藥知母湯主之

全二三

此歷節病由氣血兩虛而致者也風濕相搏四肢節

節皆痛卽歷節病也身體尪羸邪盛正衰也脚腫如

脫氣絕于下也。頭眩短氣，氣虛于上也。溫溫欲吐，氣逆于中也。此三焦氣血兩虛，故本湯主祛風濕而溫氣血。

桂枝芍藥知母湯方

桂枝 四兩

芍藥 三兩

知母 四兩

防風 四兩

麻黃 二兩

附子 二兩
炮

白朮 五兩

甘草 二兩

生薑 五兩

右九味，以水七升，煮取二升，溫服七合，日三服。

此方桂枝芍藥甘草卽桂枝湯也。傷寒論風傷衛者。

用以解肌和榮。麻黃、桂枝、白朮、甘草，卽麻黃加朮湯也。但少杏仁爲發汗去風濕，緩正氣之劑。桂枝、附子、白朮、甘草，卽桂枝附子湯。二方也。傷寒論皆治風濕相搏，骨節疼痛之藥，推而廣之。小續命湯亦祖其意而加減之者也。小續命湯通治風症之劑，但加人參、杏仁、防己三味，其用黃芩卽知母之意。今由主治之意而論之，則桂枝、麻黃、防風、祛風、濕以攘外，白朮、甘草益脾氣以補中，生姜散逆，芍藥知母養陰，附子生用則溫經散寒，熟用則益陽除濕。此一方而數方具焉，精義備焉，誠治歷節病之

聖方也。

味酸則傷筋。筋傷則緩。名曰泄。鹹則傷骨。骨傷則痿。名曰枯。枯泄相搏。名曰斷泄。榮氣不通。衛不獨行。榮衛俱微。三焦無所御。四屬斷絕。身體羸瘦。獨足腫大。黃汗出。脛冷。假令發熱。便爲歷節也。病歷節。不可屈伸。疼痛。烏頭湯主之。金二二

此歷節病之傷。飲食滋味而致者也。經云。味過于酸。肝氣以津。津津然液。泄之意。味過于鹹。大骨氣勞。蓋肝合筋。腎合骨。此筋傷則緩。骨傷則痿者。卽難經所謂筋緩。

不能收持。骨痿不能起于牀者是也。泄者。津液混泄
之意。今人食酸味。則口流涎。而額與鼻上汗出。此其
證也。腎藏精而主骨。鹹味走血。下泄故腎虛精竭。骨
失所養而枯也。經云。榮行脈中。衛行脈外。又云。陰在
內。陽之守也。陽在外。陰之使也。今榮氣不通。故衛氣
亦虛。不能獨行也。三焦主氣。無所御者。氣不能主持
也。四屬皮肉脂髓也。時解作四
肢者非。身體羸瘦。正榮衛俱
微。處肝腎主下部。獨足腫大。脛冷者。肝腎俱虛。其氣
已絕于下也。內經云。脾胃者。倉廩之官。五味出焉。黃

汗出者脾胃濕熱外注以味傷則脾胃困也發熱者正氣虛而邪氣勝也故爲歷節不可屈伸疼痛烏頭湯養正逐邪

烏頭湯方

川烏 五枚咬咀以蜜二升煎取一升卽出烏頭

麻黃

黃耆

芍藥 各三兩

甘草 二兩炙

右五味咬咀四味以水三升煮取一升去滓內蜜煎中更煎之服七合不知盡服之

麻黃去榮中寒邪泄衛中風熱更用黃耆實衛芍藥

和榮。甘草養正。瀉邪。不用附子。而用烏頭者。以病在
筋骨榮衛間。附子溫中。不若烏頭走表也。恐其性烈。
故用蜜煎解毒。又取甘以緩之之義。

血痺虛勞病脈證治第六

血爲榮。榮者。水穀之精氣也。和調五藏。瀝陳六府。痺何自而生哉。內經云。諸血皆屬于心。血凝于膚者。爲痺。又云。痺在于脈。則血凝而不流。此痺之所由成也。蓋痺者。血脈閉塞而不通也。或云。痺者。卑也。病有正氣日降。邪氣日深之義焉。虛者。氣血耗竭之名也。內經云。陽虛生外寒。陰虛生內熱。又云。脈虛。氣虛。尺虛。是謂重虛。又云。脈細。皮寒。氣少。泄利。前後飲食不入。是謂五虛。

死漿粥入胃。泄注止。則虛者可活。此虛之大槩也。勞者。五藏各有勞傷症也。經云。勞則氣耗。蓋勞則喘。汗出。內外皆越。故氣耗矣。又云。陽氣者。煩勞則張。精絕。漬漬乎若壞都。汨汨乎不可止。故神靜則陰生。形役則陽亢。豈非陰陽之氣俱不可勞者哉。戴氏曰。五藏雖皆有勞。心腎爲多。以心主血。腎主精。精枯血竭。則勞生焉。合而論之。血痺與虛勞。相因而致者也。本篇如病血痺者。以尊榮人。重困疲勞得之。病虛勞者。肌膚甲

錯兩目黯黑。內有乾血。乾血亦血痺所致。非血痺與虛勞相因而致者哉。昔人謂素問言虛而無勞瘵之名。自仲景金匱要畧始立虛勞門。而巢元方撰病源候論。遂有虛勞蒸病注病。皆由此而推之者也。

問曰。血痺從何得之。師曰。夫尊榮人。骨弱肌膚盛。重困疲勞。汗出臥。不時動搖。加被微風。遂得之。但以脈自微。滿在寸口。關上小緊。宜鍼引陽氣。令脈和。緊去則愈。尊榮人。頤養太過。起居安逸。不耐疲勞者。故平日間

骨弱肌膚盛。體雖外克而氣則內怯也。重困疲勞則氣耗而內外皆越。故汗出臥不時動搖。加被微風得血痺之證也。脈自微濇。血虛也。小緊以被微風也。風屬外感。故在寸關陽部上見之。夫血陰類也。微濇小緊陰脈也。鍼以引導陽氣則榮衛通調。陰陽相濟。其脈自和。卽難經氣主煦之。血主濡之之謂。緊去則愈微風去也。

血痺陰陽俱微。寸口關上微。尺中小緊。外證身體不仁。如風痺狀。黃耆桂枝五物湯主之。金二八

沉脈爲陰。浮脈爲陽。浮沉寸關俱微。則全證。不
足之脈。又脈有七診。獨小者。病陽氣虛也。脈緊如轉
索無常。有外感寒邪。斂束之狀。皆陰脈也。血氣既虛。
微風外客。故外證身體不仁。如風痺狀。實非風也。五
物湯以和陰陽而祛邪氣。

黃耆桂枝五物湯方

黃耆

桂枝

芍藥

各三兩

生薑

六兩

大棗

十二枚

右五味以水六升。煮取二升。溫服七合。日三服。

脈微體不仁。則榮衛不通。黃耆肥腠理。以實衛氣。芍藥斂陰氣。而和榮血。桂猶圭也。宜導聘使。爲通陰陽。氣血之品。薑棗合用。行津液。而和榮衛。爲治血痺之良劑。

或問此湯。大類桂枝湯。黃芪建中湯二方。何以不用甘草膠飴。曰。桂枝湯用甘草。辛甘發散。爲陽之義也。建中湯用甘草膠飴。補脾氣也。脾主中州。故補脾以建中。爲名。此治血痺身體不仁。藥宜補而兼行。庶幾利。健運。故不用甘緩之品。

夫男子平人脈大爲勞極虛亦爲勞

平人者形如無病之人經云脈病人不病者是也勞

則體疲于外氣耗于中脈大非氣盛也重按必空濡

乃外有餘而內不足之象經云獨大者病又云大則病進脈極虛則

精氣竭矣蓋大者勞脈之外暴者也極虛者勞脈之

內衰者也故勞脈虛者易識大者難知以脈狀似實

也東垣當歸補血湯黃耆一兩當歸二錢治肌熱煩渴目赤面

紅脈洪大而虛重按全無經云脈虛血虛此得之饑

困勞役者悞服白虎湯必死然則脈可不審乎

男子面色薄者主渴及亡血卒喘悸脈浮者裏虛也

此節以亡血爲主內經云精明五色者氣之華也又云心之華在面其克在血脈勞則氣耗火動迫血妄行必致亡血蓋血主濡之血亡則精采奪而面色薄津液去而煩且渴矣又勞者氣血俱耗肺主氣氣虛則喘心主血血虛則悸卒者猝然見此病也脈浮爲裏虛以勞則真陰失守孤陽無根而氣散于外者精奪于內也卽前節脈大爲勞之意

李瑋西曰脈浮屬外感何以又屬裏虛此必浮而無

力者也。若浮而有力，則又作別論矣。

男子脈虛沉弦，無寒熱，短氣裏急，小便不利，面色白，時目瞋，兼衄，少腹滿，此爲勞使之然。

內經云：脈者，血之府也。勞則氣血俱虛，故見虛而沉弦不足之脈。無寒熱，以無表邪也。短氣裏急，氣虛不能接續也。小便不利有二：一屬肺，金氣虛不能生水，一屬膀胱，內竭不能化氣而出也。面白者，血不華色也。目得血而能視，血虛故目瞋也。衄者，勞則虛火上炎，氣不攝血也。少腹者，肝腎之部滿者，肝腎兩虛，卽裏

急不足之意。此虛勞在肺、肝、腎三經也。
勞之爲病。其脈浮大。手足煩。春夏劇。秋冬瘥。陰寒精自
出。酸削不能行。

脈浮大者。裏虛而氣暴于外也。四肢者。諸陽之本。勞
則陽耗。陰虛而生內熱。故手足煩。凡勞傷多屬陰虛。
宜收斂而忌張散。春夏水、火盛炎之際。且氣浮于外。
則裏愈虛。故劇。秋冬金、水相生之候。且氣斂于內。則
外不擾。故瘥也。陰寒者。命門火衰也。精自出。腎水不
藏也。腎主骨。故酸削不能行也。
削。弱也。經云。強力舉重。則

傷腎此虛勞之病在腎者也。

男子脈浮弱而澹爲無子精氣清冷。

脈浮者氣耗于外弱者血虧于內澹者陰氣不足也。

經云丈夫二八腎氣盛精氣溢故能有子夫生子

者精也而言精兼言氣者以精中有氣必氣盛而精

足始得溫暖生化而有子若清冷則生化之源已絕。

此一爲腎虛水竭一爲命門火衰也。

天失精家少腹弦急陰頭寒目眩髮落脈極虛花遲爲

清穀亡血失精。

此虛勞病之在肝腎二經者也。蓋肝主藏血，腎主藏精。血失精則肝腎俱虛矣。少腹者，肝腎之部分。經云：肝脈過陰器，抵小腹，弦急以肝腎兩虧，則裏氣虛而張急如弦也。肝主筋，前陰者宗筋之所聚，肝衰故陰頭寒也。肝藏血，開竅于目，腎主骨，骨之精為瞳子。又腎之華在髮，髮者血之餘。此肝腎兩虛，故目眩髮落也。芤脈者，浮沉有中間，無似中空，芤草故。芤脈譬如蔥管，輕舉之則得上面之蔥皮，重按之則着下面之蔥皮，按其中空却空洞無物也。此亡血之脈，以脈者血之府，血虛則脈亦虛也。內經云：遲為

在藏。又云遲則爲寒。脈極虛。訖遲。則其症亦虛。清穀者。大便完穀不化而出。此命門火衰不能生土所致也。

脈得諸。訖動微緊。男子失精。女子夢交。桂枝龍骨牡蠣湯主之。

經云。數脈見于關上。上下無頭尾。如豆大。厥厥動搖者。名曰動也。又云。陽動則汗出。陰動則發熱。形冷惡寒者。三焦傷也。蓋陰陽相搏而虛者。則動也。緊者。如轉索無常。乃陰脈也。訖動微緊。則脈虛矣。故失精夢

交其症亦虛也。

桂枝加龍骨牡蠣湯方

桂枝

芍藥

各三兩

甘草

二兩

生薑

三兩

大棗

十二枚

龍骨

牡蠣

各三兩

右七味以水七升煮取三升分溫三服

桂枝湯乃傷寒解肌發表之劑。今用治虛勞。則桂枝生薑固衛以行陽。芍藥甘草大棗和脾以養陰。又爲陰陽兼理之方矣。失精夢交。神魂不定。精氣虛脫也。經云。澁可去脫。龍骨牡蠣之屬。蓋龍骨屬陽入心肝。

腎三經以心藏神。肝藏魂。腎藏精與志。用之所以去
神魂而定志。牡蠣屬陰入腎經。壯水之主。以制陽光。
則相火自熄。此益陽養陰之主方也。

李升聖曰。或問失精夢交。皆勞傷陰分之證。何以不
單用養陰藥。而用此湯。不知病雖傷陰。而其本實在
亡陽。故用桂枝龍骨等益陽之藥。夫陽生則陰固矣。
此製方之精義也。

男子平人。脈虛弱細微者。善盜汗也。金三。

自汗爲陽虛。乃衛氣不實。腠理疎泄。汗自出也。盜汗

爲陰虛。目瞋則陽氣陷入陰中。不能外護皮膚而汗出。醒時陽氣復還在外。則汗止。如人睡被盜者然。因名盜汗。此屬陰虛證。故虛弱細微亦見陰虛之脈也。人年五六十。其病脈大者。痺俠背行。苦腸鳴。馬刀俠痺者。皆爲勞得之。

內經云。男不過盡八八。女不過盡七七。而天地之精氣竭矣。故人年五六十。脈大者。精氣內竭。而張散于外之象也。人身背爲陽。腹爲陰。經云。背者。胸中之府。背曲肩隨。府將憊矣。又云。陽氣者。精則養神。柔則養

筋開闔不得。寒氣從之。乃生大痺。曲背也。今痺俠背行。

則陽氣不行。血脈凝滯。亦開闔不得。背曲肩隨之象。

也。經云中。氣不足。腸爲之苦鳴。鳴者。氣虛下陷也。瘻。

生乳腋。下曰馬刀。又夾生頸之兩旁者。爲俠瘻。俠者。

馬刀。蛤蟆之屬。瘡形似之。故名瘻。一作瘻。俠。瘻者。發

于結纓之處也。二瘻一在頸。一在腋下。常相聯絡。故

俗名。內經謂陷脈爲瘻是也。瘻者。漏也。有狼

歷串。內經謂陷脈爲瘻是也。瘻鼠瘻諸名。蓋膽經

下頸。循脇裏。下腋。故生馬刀。俠瘻處。皆膽經過。脈之

處。以膽爲甲木。爲初陽。性宜舒暢。若人情志不伸。則

甲膽之氣不升。折而內鬱。常生此病。觀今人患馬刀。

狹癭者必成勞瘵之病。成勞瘵者。先生馬刀狹癭之瘡。可驗也。

脈沉小遲。名脫氣。其人疾行則喘喝。手足逆寒。腹滿甚。則澹泄。食不消化也。

此肺脾腎三經俱病也。肺主氣。氣爲陽。沉小遲皆陽氣虛衰之脈。故爲脫氣。此肺病也。疾行則喘喝。以肺主出氣。而腎主納氣。爲生氣之原。呼吸之門。若真元耗損。則虛氣上逆。而腎不納氣。故喘喝。此腎病也。又脾主四肢。四肢者。諸陽之本。逆寒者。陽虛不溫。四末

也。腹滿者，脾經入腹，氣虛中滿也。溇泄，食不化，此脾虛不能運磨水穀，多見鶩溇瀉泄之症。嚴用和謂坎水不溫，不能上蒸脾土，沖和失布，中州不運而然者也。

脈弦而大，弦則爲減，大則爲芤，減則爲寒，芤則爲虛。虛寒相搏，此名爲革。婦人則半產漏下，男子則亡血失精。脈弦爲減，氣衰于外也。大爲芤，血失于內也。氣衰則陽不足而寒，血失則陰不足而虛。革脈者，浮取有餘，重按不足。丹溪云：如按鼓皮，外稠急而內空虛，以鼓

為華音脈形象之故名為華

李士材曰滑伯仁以華為變華之義誤矣若云

變華是怪脈也

而華果怪脈乎陰陽氣血男婦俱有之故半產漏下

亡血失精總是氣虛不能攝血血虛不能壯氣皆陰

陽氣血之乖也

成無已註以真陽減屬男子陰血虛屬婦人恐為偏見

虛勞裏急悸衄腹中痛夢失精四肢痠疼手足煩熱咽

乾口燥小建中湯主之

重用饒解者以何局曰建中湯主急欲也急上則氣急下則氣急上急下急皆急也此湯主之

脾主四肢其經入腹裏急腹痛四肢痠疼脾虛不能

榮養中外也悸者氣虛衄者血熱也夢失精者陰虛

不守也手足煩熱者脾為至陰陰虛生內熱也脾經

挾咽連舌本開竅干口咽乾口燥者脾虛津液不布

也此虛勞病之在脾也○得此病者因虛中氣虛血虛金保大傷胃之小傷

小建中湯方

傷此病者先以其氣虛後致其氣同一經但氣不同一得三

桂枝

三兩 去皮

芍藥

六兩

甘草

三兩 炙

大棗

十二枚

生薑

三兩

膠飴

一升

右六味以水七升煮取三升去滓內膠飴更上微

火消解溫服一升日三服

或問虛勞諸病雜乘獨用小建中湯補脾何也答曰

經云脾者土也孤臟以灌四旁者也蓋土為萬物之

母土旺而木火金水循序以生故易云坤厚載物萬
物資生又經云四時百病胃氣爲本此東垣云補腎
不如補脾也今據本方解之則桂枝行陽氣芍藥養
陰血甘草大棗膠飴俱甘味入脾歸其所喜以鼓舞
脾氣升騰灌溉而爲胃行其津液焉又生薑佐桂枝
以行陽氣而辛以潤之且與大棗合用以行脾之津
液而和榮衛也此建立中州全其母氣功洵巨矣
虛勞裏急諸不足黃耆建中湯主之

虛勞屬氣血兩虛難經云氣主煦之血主濡之則氣

能統血而陽生陰長。此血脫者必先益氣也。建中湯加黃耆以實衛氣。

黃耆建中湯方

於小建中湯方加黃芪一兩半餘依上法。

氣短胸滿者加生薑。腹滿者去棗加茯苓一兩半。及療肺虛損不足補氣加半夏三兩。

建中湯既補中宮而衛氣未實則補中者仍未免于外泄。加黃耆以固衛氣則衛實榮生陽行陰守八珍湯加黃芪以成十全大補之功。義本諸此。

氣短胸滿加生薑以溫胃氣且辛以散之也腹滿去
棗恐其滯也加茯苓下氣行水也療肺虛補氣加半
夏運樞機以行補劑也

虛勞腰痛少腹拘急小便不利者八味腎氣丸主之

此虛勞病之在腎經者也。腎之府腎脈絡膀胱

少腹其部分也。腎主二便開竅于二陰小便其所司

也。腰痛少腹拘急者腎氣虛也。小便不利者腎虛液

竭膀胱氣不化也。腎與膀胱爲表裏經云膀胱主八

者津液藏焉氣化則能出矣

味丸以補腎虛

腎氣丸方

熟地黃 八兩

薯蕷 四兩

山茱萸 四兩

牡丹皮

白茯苓

澤瀉 各三兩

桂枝

附子 炮各一兩

右八味末之煉蜜和丸如梧桐子大酒下十五丸
加至二十五丸日再服

夫腎為水臟而命門屬火以溫養腎水此一陽藏于
二陰之間以成坎體所謂兩腎中間一點陽是也
以左為腎右為命門者非據云男子以藏精女子以
繫胞然人稟天地之正氣未有胞胎偏聚精藏一邊

也。者。今用六味丸補水。則陰虛內熱之症熄矣。所謂壯水之主。以制陽光是也。蓋以熟地補腎爲主。山茱萸補肝佐之。此癸乙同歸一治。而腰痛少腹拘急可愈矣。山藥補脾。防水氣之泛溢。丹皮去相火。茯苓澤瀉利水以瀉腎邪。則小便自利矣。又加桂附補命門相火。以去沉寒虛怯之患。所謂益火之原。以消陰翳是也。

沈子華曰。今醫見小便不利。卽用清涼藥瀉內熱矣。安知水火旣濟者。以資化源。而小便自利乎。此八味

丸為治天一生水之聖劑也

虛勞諸不足風氣百疾薯蕷丸主之

因虛勞不足而致風氣者經云邪之所湊其氣必虛是也然風者善行數變故言百疾以統之

薯蕷丸方 薯蕷九斤 白朮六斤 甘草八分 乾地黄八分 芍藥六分 阿膠七分 麥冬六分 杏仁六分 扶苓五分

薯蕷 三十 分

白朮 六分

甘草 二十 八分

乾地黄 八分

當歸 各十 八分

芍藥 各六 分

芍藥 各六 分

阿膠 七分

麥冬 各六 分

杏仁 各六 分

人參 十 分

扶苓 五 分

薯蕷丸方 薯蕷九斤 白朮六斤 甘草八分 乾地黄八分 芍藥六分 阿膠七分 麥冬六分 杏仁六分 扶苓五分

薯蕷丸方 薯蕷九斤 白朮六斤 甘草八分 乾地黄八分 芍藥六分 阿膠七分 麥冬六分 杏仁六分 扶苓五分

薯蕷丸方 薯蕷九斤 白朮六斤 甘草八分 乾地黄八分 芍藥六分 阿膠七分 麥冬六分 杏仁六分 扶苓五分

桔梗

柴胡 各五分

桂枝 十八分

防風 六分

乾薑 三分

白斂 二分

豆黃卷

麴 各十分

大棗 百枚

右二十一味末之煉蜜和丸如彈子大空腹酒服

一丸一百丸為劑

以大豆為芽藥生

穿同化氣如藥生

薯蕷甘溫入脾肺二經補虛羸除寒熱在上滋源在

下補腎故為君參朮苓草四君子也所以補氣歸腎

芍地四物湯也所以補血夫治風必養氣血者以補

虛勞為主所謂養正邪自消也更用防風柴胡桂枝

具說以桂枝金方所謂不達者虛其行止互相應誠方之極也

祛風阿膠養血豆黃卷和氣麥冬杏仁桔梗白

肺乾薑溫中大棗補脾麴道藥力酒行榮衛而虛勞

風疾愈矣

九氣布三百六十五脈通八萬四千毛孔即力之時氣往來之氣也

虛勞虛煩不得眠酸棗湯主之

虛煩不眠者血虛生內熱而陰氣不斂也內經云衛氣行于陽陽氣滿不得入于陰陰氣虛故目不得瞑酸棗湯養血虛而斂陰氣也

酸棗湯方

酸棗仁 三升

茯苓

知母

川芎

各二兩

甘草

一兩

右五味以水八升煮酸棗仁得六升內諸藥煮取三升分溫三服

內經云肝藏血人臥則血歸于肝肝虛者血不歸經故虛煩不眠棗仁補肝味酸氣主收斂則陰得其養血自歸經而得眠矣川芎亦入肝經佐棗仁以養肝生血茯苓降逆氣以除煩知母滋陰虛以清熱甘草補正瀉邪皆所以成治虛煩不眠之功也

五勞虛極羸瘦腹滿不能飲食食傷憂傷飲傷房室傷

饑傷勞傷經絡榮衛氣傷內有乾血肌膚甲錯兩目黯
黑緩中補虛大黃廐虫丸主之

或問勞傷何以有乾血乎蓋血脈周流不息灌溉一
身者也一有勞極諸傷則血虛而不實滯而不行此
乾血所由積也血乾則不能克身澤毛榮潤肌肉故
致甲錯謂皮聚而肉厚如衣甲然又如魚鱗之生鱗甲而錯雜于身體也又肝藏血
開竅于目目得血而能視血乾則不能榮養其目故
兩目黯黑經云損其肝者緩其中大黃廐虫丸皆攻
下之藥而云緩中補虛何也蓋乾血不去則新血不

生攻邪即所以養正也

五勞解
見首篇

大黃廔虫丸方

大黃 十分

黃芩 二兩

桃仁

杏仁 各一升

乾地黄 十兩

芍藥 四兩

甘草 三兩

乾漆 一兩

廔虫 一升

水蛭 百枚

蟬蛸 一升

廔虫 半升

右十二味末之煉蜜和丸小豆大酒飲服五丸日

三服

經云留者攻之燥者濡之苦走血鹹勝血乾漆廔虫水蛭蟬蛸廔虫之苦鹹以攻乾血甘緩結苦泄熱桃

仁大黃黃芩之苦甘以下結熱血乾則氣滯而榮竭故用杏仁利氣地黃潤燥芍藥和榮又恐藥力猛峻甘草緩之恐乾血堅凝酒飲行之也

今人通一學，其便廉與否，痛而不知，理以存弊，元新，立立此也。